

楞嚴要解

十一之
十五

C40
4514
231-1

C40-4514

了翁上座請大猷及有
家書置之武州蓋雲山
我微笑塔院庶府中來
為學者不敢許出院仍
當山二世鐵十機謹誌



B 64853

大佛頂如來密因修證了義諸菩薩萬行首楞嚴經
要解卷第十一

唐天竺沙門般刺蜜諦譯

烏菴國沙門彌伽釋迦譯語

菩薩戒弟子前正議大夫同中書門下平

章事清河房融筆授

溫陵開元蓮寺比丘戒環解

△五特標耳根總諸圓通二十五門此最當機故

特標也文三一敘本修證二初敘圓證

爾時觀世音菩薩即從座起頂禮佛足而白佛言世



尊憶念我昔無數恒河沙劫於時有佛出現於世名
觀世音我於彼佛發菩提心彼佛教我從聞思修入
三摩地

觀音者觀世言音圓悟圓應之號也於音言觀者
以觀智照之不以耳識聞之也所謂入流亾所則
以觀不以聞可知矣所師之佛亦名觀音者因果
相符古今一道也

初於聞中入流亾所所入既寂動靜二相了然不生
如是漸增聞所聞盡盡聞不住覺所覺空空覺極圓
空所空滅生滅既滅寂滅現前

釋從三慧入圓通也達耳之謂聞著心之謂思治
習之謂修三者圓明是名三慧入流亾所者不隨
聲塵頓入法流而亾其所入也音聲之性由動靜
顯故所入既寂則動靜不生此聞慧也既達乎耳
復著於心如水之漸如土之增使能聞所聞情境
俱泯而盡聞之心亦復不住以合真覺此思慧也
既著於心還以治習使能覺所覺皆合妙空則空
覺不二二謂極圓能空所空亦復不立乃爲盡道
此修慧也夫然後生滅滅生情境俱盡而真寂真
滅圓通之體於是現前卽所謂入三摩地也以圓

覺配之入流亾所等卽應當遠離幻妄境界也如是漸增等卽心如幻者亦復遠離也覺所覺空卽遠離爲幻亦復遠離也空所空滅卽離遠離幻亦復遠離也生滅旣滅則得無所離卽除諸幻也寂滅現前卽譬如磨鏡垢盡明現也造至於此則圓通之體極矣

△二敘圓用二 一總

忽然超越世出世間十方圓明獲二殊勝一者上合十方諸佛本妙覺心與佛如來同一慈力二者下合十方一切六道衆生與諸衆生同一悲仰

由根境圓融故世出世法不能限礙而十方法界圓明洞達也惟其圓洞故上合諸佛下合群生無間然者上合諸佛故能愍物興慈應機與樂卽三十二應是也下合群生故知其悲仰隨與拔苦卽十四無畏是也

△二別三 一三十二應

此現十法界身圓應群機也開有三十二合惟四聖六凡攝盡群類文三 一總舉

世尊由我供養觀音如來蒙彼如來授我如幻聞熏聞修金剛三昧與佛如來同慈力故令我身成三十

二應入諸國土

幻人作爲本於無作故此言如幻三昧後言無作妙力此之三昧由聞慧熏修以成而無能沮壞故稱金剛依此三昧隨緣應化凡皆如幻而已

△二詳列二 一四聖四 一佛

世尊若諸菩薩入三摩地進修無漏勝解現圓我現佛身而爲說法令其解脫

修正定取正果曰進修無漏境智雙忘情解俱泯名勝解現圓斯可以得佛故現佛身爲說果法也第十地菩薩坐華王座垂成正覺亦須別佛說教

斷最後無明方成佛道

△二辟支

若諸有學寂靜妙明勝妙現圓我於彼前現獨覺身而爲說法令其解脫

有學小聲聞也獨覺亦曰麟喻麟之獨也出無佛世觀物變易自覺無生故號獨覺樂獨善寂求自然慧故曰寂靜妙明能妙萬物以明自性故曰勝妙

△三緣覺

若諸有學斷十二緣緣斷勝性勝妙現圓我於彼前

現緣覺身而爲說法令其解脫

知迷勝性由十二緣於是斷之自無明滅至憂悲苦惱滅則緣斷而性現矣性因緣斷而現故曰緣斷勝性由觀緣悟道名緣覺乘

△四聲聞

若諸有學得四諦空修道入滅勝性現圓我於彼前現聲聞身而爲說法令其解脫

斷四諦下麤惑名得四諦空依道諦修而證滅諦果名修道入滅此未能妙物獨證空性故曰勝性現圓也四聖不舉菩薩者兼在佛位

△二六凡三 一天

若諸衆生欲心明悟不犯欲塵欲身清淨我於彼前現梵王身而爲說法令其解脫若諸衆生欲爲天主統領諸天我於彼前現帝釋身而爲說法令其成就梵天超出欲界故心能明悟不犯欲塵身根清淨卽得生彼也帝釋爲忉利天主統三十三天

若諸衆生欲身自在遊行十方我於彼前現自在天身而爲說法令其成就若諸衆生欲身自在飛行虛空我於彼前現大自在天身而爲說法令其成就自在遊行名自在天卽欲頂他化也飛行虛空名

大自在天卽色頂摩醯也初舉梵王至此乃自欲
天色天而超至色頂意兼無色以明無刹不現也
若諸衆生愛統鬼神救護國土我於彼前現天大將
軍身而爲說法令其成就若諸衆生愛統世界保護
衆生我於彼前現四天王身而爲說法令其成就若
諸衆生愛生天宮驅使鬼神我於彼前現四天王國
太子身而爲說法令其成就

上舉正統此舉臣輔也天將軍爲帝釋上將統領
鬼神四天王臣於帝釋統領世界四天天子卽那
吒之類能驅鬼神

△二人三 一王臣士庶

若諸衆生樂爲人王我於彼前現人王身而爲說法
令其成就若諸衆生愛主族姓世間推讓我於彼前
現長者身而爲說法令其成就若諸衆生愛談名言
清淨自居我於彼前現居士身而爲說法令其成就
自金輪至粟散皆人王也粟散卽邦國小王散於
天下如粟之多長者具十德謂姓貴位高大富威
猛智深年耆行淨禮備上嘆下歸故爲族姓之主
世間推讓也隱居求志行義達道名居士名言典
雅之言也

若諸衆生愛治國土剖斷邦邑我於彼前現宰官身而爲說法令其成就若諸衆生愛諸數術攝衛自居我於彼前現婆羅門身而爲說法令其成就

剖判也合和占相推步盈虛皆數術也

△二入道四衆

若有男子好學出家持諸戒律我於彼前現比丘身而爲說法令其成就若有女子好學出家持諸禁戒我於彼前現比丘尼身而爲說法令其成就若有男子樂持五戒我於彼前現優婆塞身而爲說法令其成就若有女子五戒自居我於彼前現優婆夷身而

爲說法令其成就

戒謂比丘戒二百五十尼倍之言律言禁者比丘所持常律而已尼則禁切尤詳優婆塞優婆夷謂近事佛法男女五戒殺盜婬妄酒也此爲諸戒根本萬善樞機五分真體前四能具戒定慧解脫後一能具解脫知見蓋使昏昏爲昭昭故也

△三主婦童眞

若有女人內政立身以修家國我於彼前現女主身及國夫人命婦大家而爲說法令其成就

天子三公九卿等掌外政三后九妃等掌內政所

以修治家國女主卽后妃也命婦卽公侯之妻受
錫命者漢班惠姬爲皇后傳號稱大家

若有衆生不壞男根我於彼前現童男身而爲說法
令其成就若有處女愛樂處身不求侵暴我於彼前
現童女身而爲說法令其成就

△三神

若有諸天樂出天倫我現天身而爲說法令其成就
若有諸龍樂出龍倫我現龍身而爲說法令其成就
若有藥叉樂度本倫我於彼前現藥叉身而爲說法
令其成就若乾闥婆樂脫其倫我於彼前現乾闥婆

身而爲說法令其成就若阿修羅樂脫其倫我於彼
前現阿修羅身而爲說法令其成就若緊那羅樂脫
其倫我於彼前現緊那羅身而爲說法令其成就若
摩呼羅伽樂脫其倫我於彼前現摩呼羅伽身而爲
說法令其成就若諸衆生樂人修人我現人身而爲
說法令其成就若諸非人有形無形有想無想樂度
其倫我於彼前皆現其身而爲說法令其成就

此天龍八部等類也樂人修人者此類似人而非
故樂生人道諸非人指有形無形有想無想卽休
咎精明空散消沉類也六凡不舉獄鬼畜者此類

方沉幽昏未能聞法則以施無畏力拔之

△三結

是名妙淨三十二應入國土身皆以三昧聞熏聞修無作妙力自在成就

迹示同類心絕愛見名妙淨依無作智起大神用名妙力無作無爲隨緣汎應名自在成就

△二十四無畏三 一總舉

世尊我復以此聞熏聞修金剛三昧無作妙力與諸十方三世六道一切衆生同悲仰故令諸衆生於我身心獲十四種無畏功德

由我不自觀音而彼獲脫苦由我知見旋復而彼能不燒故曰於我身心獲無畏德

△二詳列三 一脫外業七 一脫衆苦

一者由我不自觀音以觀觀者令彼十方苦惱衆生觀其音聲卽得解脫

不自觀音者不隨聲塵所起知見也以觀觀者謂旋倒聞機反照自性也不起知見則無所妄反照自性則一切真寂無復苦惱可得此則真觀淨觀大智慧觀能破癡暗能伏災難故令苦衆生蒙我真觀卽得解脫

△二脫三災

二者知見旋復令諸衆生設入大火火不能燒三者觀聽旋復令諸衆生大水所漂水不能溺

內外四大常相交感見覺屬火聞聽屬水故見業交則見猛火聞業交則見波濤今知見旋復則無見業觀聽旋復則無聞業故水火不能燒溺也於聽言觀猶於音言觀也大水所漂意兼風災

△三脫鬼害

四者斷滅妄想心無殺害令諸衆生入諸鬼國鬼不能害

自此至脫囚離怨之事皆由六根消復心無所召故境不能爲也

△四脫形戮

五者熏聞成聞六根消復同於聲聽能令衆生臨當被害刀段段壞使其兵戈猶如割水亦如吹光性無搖動

以聞慧熏其聞根以成圓聞一根旣圓則六根消復同於聲聽無復形礙故如割水吹光也

△五脫幽邪

六者聞熏精明徧法界則諸幽暗性不能全能令

衆生藥義羅刹鳩槃荼鬼及毗舍遮富單那等雖近其旁目不能視

聞熏精明爍彼幽暗故不能視

△六脫囚繫

七者自性圓消觀聽返入離諸塵妄能令衆生禁繫

音性圓消則內無所繫觀聽返入則外無所累故

枷鎖自脫

△七脫冤賊

八者滅音圓聞徧生慈力能令衆生經過險路賊不

能劫

音聞兩立則物我成敵滅音圓聞則內外無待故能徧生慈力無復怨敵矣

△二脫內業三 一脫欲

九者熏聞離塵色所不劫能令一切多婬衆生遠離

貪欲

衆生以欲習合塵故爲色劫能以金剛三昧熏聞

成性遂能離塵性成則欲愛乾枯離塵則根境不

偶故雖有妖色不能劫動

△二脫志

十者純音無塵根境圓融無對所對能令一切忿恨
衆生離諸瞋恚

瞋由違情而起對境而生音性純淨無復妄塵故
圓融無違無能所對無違無對則不瞋矣

△三脫癡

十一者消塵旋明法界身心猶如琉璃朗徹無礙能
令一切昏鈍性障諸阿顛迦永離癡暗

癡由妄塵所蔽無明所覆銷塵則無蔽旋明則無
覆故外之法界內之身心凝瑩朗徹離癡暗矣性
障卽癡也阿顛迦云無善心內業有十而壞滅法

身唯婬怒癡爲甚故舉三以兼餘

△三示福應

十二者融形復聞不動道場涉入世間不壞世界能
遍十方供養微塵諸佛如來各各佛邊爲法王子能
令法界無子衆生欲求男者誕生福德智慧之男

融形則礙滅復聞則性真故涉入世間而無動無
壞能遍十方供微塵佛稟承其法各爲法子供佛
足福稟法足慧而繼紹法王有男子之道故能應
其求也

十三者六根圓通明照無二合十方界立大圓鏡空

如來藏承順十方微塵如來祕密法門受領無失能
令法界無子衆生欲求女者誕生端正福德柔順衆
人愛敬有相之女

圓故無二通故舍界明照則大圓鏡智之質也舍
界則空如來藏之體也具此故能承順法門受領
無失承順卽坤儀柔德受領卽閨門能事有女之
道故能應其求也

十四者此三千大千世界百億日月現住世間諸法
王子有六十二億恒河沙數修法垂範教化衆生隨
順衆生方便智慧各各不同

先舉多佛次顯多福也一刹一日月百億日月卽
百億刹土也

由我所得圓通本根發妙耳門然後身心微妙含容
周徧法界能令衆生持我名號與彼共持六十二億
恒河沙諸法王子二人福德正等無異世尊我一名
號與彼衆多名號無異由我修習得真圓通

圓通本根妙舍法界一多平等彼我無二故令持
我名福等於彼當知修習得真圓通則一身多身
他方此界一福德一名物各各圓遍無復涯異也

△二結

是名十四施無畏力福備衆生

△三四不思議二 一總舉

世尊我又獲是圓通修證無上道故又能善獲四不思議無作妙德

現衆多容誦一一呪攝化衆生圓應所求理出於無爲神應於不測名不思議無作妙德然前亦現形應求獨此名不思議者前則略顯此復深明如於一身現八萬首臂固莫得而思議也

△二詳列四 一現容

一者由我初獲妙妙聞心心精遺聞見聞覺知不能

分隔成一圓融清淨寶覺故我能現衆多妙容能說無邊祕密神呪

從真妙圓重發真妙曰妙妙聞心旋聞脫聲獨返真源曰心精遺聞由獲妙遺聞故衆塵不隔一覺圓融而應現無滯矣言初獲者指本因也

其中或現一首二首五首七首九首十一首如是乃至一百八首千首萬首八萬四千燼迦羅首二臂四臂六臂八臂十臂十二臂十四十六十八二十至二十四如是乃至一百八臂千臂萬臂八萬四千母陀羅臂二目三目四目九目如是乃至一百八目千目

萬目八萬四千清淨寶目或慈或威或定或慧救護
衆生得大自在

首爲六用之總臂表提接之悲目表照了之智各
依本數充之以至八萬四千者表依根本六用根
本智悲而泛應塵勞得大自在此十一地等覺妙
行也華嚴十地已前猶依本智長養大悲至十一
地長養功終純是大悲爲法界體與智圓現故觀
音手眼通身徧身而以大悲稱也一體之中塵勞
萬法慈威定慧無所不備而繼二十四聖示現者
明彼所現雖各一端圓而會之咸極於此使悟入

者不止二十五門頓了八萬塵勞法界理事曾不
離吾一圓融淨覺之體能同能異卽一卽多無邊
刹海德用遍周十方身土境相相入邪正吉凶之
術養生安物之方法法圓通塵塵具足矣或曰八
萬四千特表法耳一身何所施乎是特以有思惟
心測度菩薩圓通境界也夫身含十虛毛端現刹
彼空與刹又不啻如首臂而已彼現八萬四千首
臂猶人之八萬四千毛孔耳未足異也聖人之言
卽理卽事旣曰不思議德無以限意思之議之爍
迦羅云金剛堅固不壞也母陀羅云印各有妙印

撰述
一五
一
也清淨寶目離塵合覺也慈以攝化威以折伏定
以復湛慧以開覺通指衆多妙容也

△二說呪

二者由我聞思脫出六塵如聲度垣不能爲礙故我
妙能現一一形誦一一呪其形其呪能以無畏施諸
衆生是故十方微塵國土皆名我爲施無畏者

以聞思慧脫塵不礙故現形誦呪神變妙力一一
無礙是謂妙能

△三攝化

三者由我修習本妙圓通清淨本根所遊世界皆令

衆生捨身珍寶求我哀愍

本根清淨則一切無著故能令衆生捨諸慳著也
求我哀愍者哀愍爲受而施作佛事也

△四應求

四者我得佛心證於究竟能以珍寶種種供養十方
如來旁及法界六道衆生求妻得妻求子得子求三
昧得三昧求長壽得長壽如是乃至求大涅槃得大
涅槃

得佛心證慧足也珍寶供養福足也福慧兩足故
餘波傍及使彼所求世出世法無不隨願

△二結答圓通

佛問圓通我從耳門圓照三昧緣心自在因入流相得三摩提成就菩提斯爲第一

初於聞中入流亾所是從耳門得圓照也由得圓照故隨緣應化得大自在次又漸增以至圓空覺證寂滅是因入流相成就菩提也

△三結顯圓號

世尊彼佛如來歎我善得圓通法門於大會中授記我爲觀世音號由我觀聽十方圓明故觀音名徧十方界

因能觀聽故果號觀音實洞十方故名亦徧界
△三瑞應

爾時世尊於師子座從其五體同放寶光遠灌十方微塵如來及法王子諸菩薩頂彼諸如來亦於五體同放寶光從微塵方來灌佛頂并灌會中諸大菩薩及阿羅漢林木池沼皆演法音交光相羅如寶絲網是諸大衆得未曾有一切普獲金剛三昧即時天雨百寶蓮華青黃赤白間錯紛糝十方虛空成七寶色此娑婆界大地山河俱時不現唯見十方微塵國土合成一界梵唄誦歌自然敷奏

前說圓通之法此顯圓通之瑞而應之也諸佛五
體同放寶光者表證性明極則寶覺圓融全體發
現也互相灌頂者頂爲圓極之相表諸佛證性圓
極於此會中菩薩羅漢卽二十四聖之壽佛光亦
灌其頂者印其修證等無優劣也林木池沼皆演
法音交光相羅者圓通現前則一切聲是佛聲一
切色是佛色無非悟入之處無非圓通之理也大
衆普獲金剛三昧者因此皆能破惑障悟圓通也
天雨寶華空現寶色地隱山河界含塵刹者表證
圓通性則無作妙行自然分披寶明空覺自然發

大現有爲習漏當不復生衆塵廓然無復隔越也梵
唄詠歌自然敷奏者能使法界未離衆苦常得妙
樂也聖人所演圓通法門奧旨妙利詳悉若是故
衆瑞詳而應之

大佛頂如來密因修證了義諸菩薩萬行首楞嚴經
要解卷第十三事清河房融筆受

音切

驅丘于

暴薄報

割葛音

忿敷蘊

垣胡官

吳江居士周之軾旒賞刻此
首楞嚴經要解第十一卷祈早生貴子科甲臨
登嘉禾釋道梅對甌寧唐士登書江寧魏清刻
萬曆甲午孟春徑山興聖萬壽禪寺識

音釋於此會中菩薩羅漢即二十

要釋卷第十一其修證等無優劣也

大觀更吹來密因妙蘊了義諸菩薩萬行首

樂也聖人祇戴圓蓋去門與旨妙除結悉皆長對
則精煇自然燁燁昔猶對去界未離眾昔常對
與育為智識當不對主眾聖德然無對酬殊也梵

大佛頂如來密因修證了義諸菩薩萬行首楞嚴經
要解卷第十二

唐天竺沙門般刺蜜諦譯

烏菴國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△四勅選三 初告勅文殊

於是如來告文殊師利法王子汝今觀此二十五無
學諸大菩薩及阿羅漢各說最初成道方便皆言修

撰述 一 二 三 四 五 六 七 八 九 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50

習真實圓通彼等修行實無優劣前後差別我今欲令阿難開悟二十五行誰當其根兼我滅後此界眾生入菩薩乘求無上道何方便門得易成就

歸元證性雖無差別隨方應機自有難易故須假大智選擇也

△二奉命選擇二 初緝綴

文殊師利法王子奉佛慈旨即從座起頂禮佛足承佛威神說偈對佛

△二正文二 初總敘四 一標本

覺海性澄圓 圓澄覺元妙

覺湛性海本自澄圓標圓體也圓澄之覺妙乎萬物標圓用也此人人本來圓通者也

△二敘妄

元明照生所 所立照性 迷妄有虛空

依空立世界 想澄成國土 知覺乃眾生

從元妙中忽起妄明曰元明妄有所照曰生所所謂覺非所明因明立所也所明既立則照性隱矣

凶非無也入凶而已性真既隱空覺遂分根器二

界遂因迷頑妄想安立故妄想凝結則成無情國土妄識知覺則成有情眾生則彼澄妙者遂莫得

而圓莫得而通矣

△三融通

空生大覺中 如海一漚發 有漏微塵國
皆依空所生 漚滅空本無 況復諸三有
際上以明迷澄圓而成根器融根器則歸澄圓也
大覺海中本絕空有由迷風飄鼓妄發空漚而諸
有生焉迷風既息則空漚亦滅所依諸有遂不可
得而空覺圓融復歸元妙矣諸三有指微塵國中
三有也

△四料揀

歸元性無二 方便有多門 聖性無不通
順逆皆方便 初心入三昧 遲速不同倫
二十五聖同一圓通所謂無二所謂多門在夫聖
性逆順皆通不容料揀其如初心遲速異宜故須
選擇也

△二別選五 一揀六塵

色想結成塵 精了不能徹 如何不明徹
於是獲圓通 音聲雜語言 但伊名句味
一非舍一切 云何獲圓通 香以合中知
離則元無有 不恆其所覺 云何獲圓通

味性非本然 要以味時有 其覺不恒一

云何獲圓通 觸以所觸明 無所不明觸

合離性非定 云何獲圓通 法稱為內塵

憑塵必有所 能所非徧涉 云何獲圓通

憍陳那大迦葉等各因六塵悟圓而此皆揀去者

彼所謂聖性無不通此所謂初心不同倫則凡所

不取皆以不宜初心意取耳根獨宜也今揀六塵

以色能起想結塵使精性不徹聲唯局名句味不

該不徧味意味也伊猶惟也香味觸如文法塵非

相獨意能緣內潛意根故稱內塵

△二揀六根

見性雖洞然 明前不明後 四維虧一半

云何獲圓通 鼻息出入通 現前無交氣

支離匪涉入 云何獲圓通 舌非入無端

因味生覺了 味亾了無有 云何獲圓通

身與所觸同 各非圓覺觀 涯量不冥會

云何獲圓通 知根雜亂思 湛了終無見

想念不可脫 云何獲圓通

鼻闕中交故云支離舌不因味而能覺了乃為無

端身與所觸各成涯異是不冥會也

△三棟六識

識見雜三和 詰本稱非相 自體先無定

云何獲圓通 心聞洞十方 生于大因力

初心不能入 云何獲圓通 鼻想本權機

祇令攝心住 住成心所住 云何獲圓通

說法弄音文 開悟先成者 名句非無漏

云何獲圓通 持犯但束身 非身無所束

元非徧一切 云何獲圓通 神通本宿因

何關法分別 念緣非離物 云何獲圓通

三和根境識也眼識因三者和合窮之本自無體

撰述

法苑珠林卷之三

四

選

9770 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故曰非相普賢菩薩用心聞故能知他方沙界外

事此由修法界行大因所生非初心能入也孫陀

散亂佛欲攝住其心令觀鼻端此特權機而已蓋

真心無住有住則妄也富那說法由舌識發開悟

先成則不宜初心波離持戒使無所犯但檢束一

身而已是不該不徧也目連神通緣念如意然本

乎宿熏非關意識而且有念有緣非圓通也法分

別卽意識也

△四棟七大

若以地性觀 堅礙非通達 有爲非聖性

云何獲圓通 若以水性觀 想念非真實
如如非覺觀 云何獲圓通 若以火性觀
馱有非真離 非初心方便 云何獲圓通
若以風性觀 動寂非無對 對非無上覺
云何獲圓通 若以空性觀 昏鈍先非覺
無覺異菩提 云何獲圓通 若以識性觀
觀識非常住 存心乃虛妄 云何獲圓通
諸行是無常 念性元生滅 因果今殊感
云何獲圓通
持地平填尚涉有爲非實聖性月光水觀未離想

念難契如如蓋如如之理非覺觀之法故也烏芻
瑟摩聞說欲火而生馱離是馱有也琉璃光觀風
性動則與寂對有對非覺也晦昧爲空故云昏鈍
彌勒修唯識觀而所觀之識念念生滅存心觀之
已妄況獲圓通耶勢至修念佛行而念性卽生滅
法依生滅因求常住果是殊感也

△五選耳根七 一敘已見

我今白世尊 佛出娑婆界 此方真教體
清淨在音聞 欲取三摩提 實以聞中入
聖人設教隨方不同或有佛土以佛光明而作佛

事或有佛土以佛菩提樹而作佛事乃至或以園
林臺觀或以虛空或以寂無說示如香積佛國無
文字說但以衆香令諸天人得入律行而此方教
體必藉音聞欲取正定必由聞入者各隨機緣故
也蓋彼諸佛土無非利智故機緣默契出乎言象
而堪忍衆生迷本循聲昏惑障重必須聞熏聞修
以消塵除障然後可入然以聞爲入者特得其門
而已必期於遺聞反聞然後爲至也夫至於遺聞
反聞則佛光明菩提樹乃至寂無說示處皆可入
矣曹溪少室固以是爲佛事也

△二歎觀音

離苦得解脫 良哉觀世音 於恒沙劫中

入微塵佛國 得大自在力 無畏施衆生

妙音觀世音 梵音海潮音 救世悉安寧

出世獲常住

初聯總歎觀世音脫苦與樂也於沙劫入塵國
歎三十二應也得自在施無畏歎四不思議十四
無畏也妙音觀音歎隨德之名也梵音潮音歎隨
名之實也以說法不滯爲妙音尋聲救苦爲觀音
音性無著爲梵音應不失時爲潮音末聯總結衆

德能救世間苦能與出世樂也

△三明真選三一圓真

我今啓如來 如觀音所說 譬如人靜居

十方俱擊鼓 十處一時聞 此則圓真實

觀音所說即從耳門圓照得真圓通等事今頌其

圓照真體也

△二通真

目非觀障外 口鼻亦復然 身以合方知

心念紛無緒 隔垣聽音響 遐邇俱可聞

五根所不齊 是則通真實

初斥眼鼻舌身意不得真通隔垣下獨取耳通之真也

△三常真

音聲性動靜 聞中為有無 無聲號無聞

非實聞無性 聲無既無滅 聲有亦非生

生滅二圓離 是則常真實

動靜有無皆屬聲塵耳根圓離不隨生滅是則常

性之真也無聲號無聞指阿難聞鐘事也

縱令在夢想 不為不思無 覺觀出思惟

身心不能及

讚顯常性也五根皆待意思有無不常惟耳在夢能聞杵音是不爲不思而無也其爲覺觀乃出乎思惟勝餘根矣

△四明契機

今此娑婆國 聲論得宣明 衆生迷本聞
循聲故流轉 阿難縱強記 不免落邪思
豈非隨所淪 旋流獲無妄

聲論者依聲論明本聞自性以覺迷本循聲妄取淪替者如阿難者徒事強記誤落邪思豈非循聲之咎耶使能旋倒反聞則無妄淪矣娑婆學者多

徒事強記落邪淪妄不知反本故托阿難以警之

△五宣告阿難七 一令諦聽

阿難汝諦聽 我承佛威力 宣說金剛王
如幻不思議 佛母眞三昧

金剛如幻三昧卽觀音如來所授如幻聞熏聞修金剛三昧也三世諸佛皆從此出故名佛母

△二令反聞

汝聞微塵佛 一切祕密門 欲漏不先除
畜聞成過誤 將聞持佛佛 何不自聞聞

佛佛謂佛之佛性也聞聞謂我之聞性也阿難護

持諸佛祕藏而空畜多聞不能反悟故責其空持
佛佛不自聞聞意使從聞思修入三摩地者務在
反聞自性也

△三令脫塵

聞非自然生 因聲有名字 旋聞與聲脫

能脫欲誰名 一根既返源 六根成解脫

聞耳根也聲耳境也根因境有皆則妄塵故應旋
而脫之而無能脫者斯返真源一源返真六皆脫
妄矣

△四獲淨覺

見聞如幻翳 三界若空華 聞復翳根除
塵消覺圓淨

見聞幻翳通指妄根也三界空花通指妄境也以
皆妄故聞復即翳除塵消則覺淨所以一返源而
六解脫也

△五示解脫相三 一法

淨極光通達 寂照含虛空 却來觀世間

猶如夢中事 摩登伽在夢 誰能留汝形

淨極光達寂照含虛根解脫也却觀世間猶如夢
事境解脫也然則摩登正為夢境了不可得誰能

留汝使不解脫哉

△二喻

如世巧幻師 幻作諸男女 雖見諸根動

要以一機抽 息機歸寂然 諸幻成無性

幻師妄性也一機妄識也性由識動故息機歸寂

則諸幻無性而各解脫也

△三合

六根亦如是 元依一精明 分成六和合

一處成休復 六用皆不成 塵垢應念消

成圓明淨妙 餘塵尚諸學 明極即如來

一精明識精也六根因之與塵和合而幻作諸妄

故一處休復六皆不成而想塵識垢應念消以得

妙圓通矣細惑未盡曰餘塵分證未滿曰諸學惑

淨明極即如來矣

△六結益

大衆及阿難 旋汝倒聞機 反聞聞自性

性成無上道 圓通實如是

能旋倒妄反聞自性必資此性成無上道此圓通

法門實效也性成如所謂性一切心也

△七策進

一

△七策進

此是微塵佛 一路涅槃門 過去諸如來

斯門已成就 現在諸菩薩 今各入圓明

未來修學人 當依如是法 我亦從中證

非唯觀世音

涅槃門者出生死證真常之要道也三世果人莫不由此故未來學人當依是法

△六印定所選

誠如佛世尊 詢我諸方便 以救諸末劫

求出世間人 成就涅槃心 觀世音爲最

自餘諸方便 皆是佛威神 卽事捨塵勞

非是長修學 淺深同說法

成就不生不滅涅槃妙心唯耳根爲最餘則佛之威神加被令卽已事而捨塵勞非始終長修淺深同說之法也欲其長修同說無如觀音法門矣如那律失明而旋見畢陵觸刺而遺身烏芻馱欲而登覺持地待佛而消塵皆卽已事而已

△七結讚勸學

頂禮如來藏 無漏不思議 願加被未來

於此門無惑 方便易成就 堪以教阿難

及末劫沉淪 但以此根修 圓通超餘者

真實心如是

結讚聞熏三昧真如來藏無漏法門勸使未來依此修證可超餘三昧真實心要如是而已

△三時衆獲益

於是阿難及諸大衆身心了然得大開示觀佛菩提及大涅槃猶如有人因事遠遊未得歸還明了其家所歸道路普會大衆天龍八部有學二乘及諸一切新發心菩薩其數凡有十恒河沙皆得本心遠塵離垢獲法眼淨性比丘尼聞說偈已成阿羅漢無量衆生皆發無等等阿耨多羅三藐三菩提心

圓通妙門言下頓開諸佛正果由斯可冀故觀佛菩提及大涅槃身心了然特少進趣耳故譬遠遊未歸明了道路也普會天人皆獲本心乃至得法眼淨者亦悟本聞而消塵旋明故也性比丘尼成阿羅漢者妙性圓通而諸漏未盡也無等等者謂物無與等而能與物爲等此得妙圓通上同下合之德也無量衆生皆發是心者因聞是道而希慕願樂也

△三攝持軌則二 初阿難請問

阿難整衣服於大衆中合掌頂禮心迹圓明悲欣交

集欲益未來諸衆生故稽首白佛大悲世尊我今已
悟成佛法門是中修行得無疑惑常聞如來說如是
言自未得度先度人者菩薩發心自覺已圓能覺他
者如來應世我雖未度願度末劫一切衆生世尊此
諸衆生去佛漸遠邪師說法如恒河沙欲攝其心入
三摩地云何令其安立道場遠諸魔事於菩提心得
無退屈

心迹圓明者前解根結超越器界迹圓明也此悟
圓通塵消覺淨心圓明也於是悲昔之迷欣今之
悟將以是法應世度生而恐末劫多難邪魔妄作

易退覺心難入正定故請攝心遠魔安立道場清
淨軌則也

△二佛慈開示二 初讚許

爾時世尊於大衆中稱讚阿難善哉善哉如汝所問
安立道場救護衆生末劫沉溺汝今諦聽當爲汝說
阿難大衆唯然奉教

△二正示二 初內攝軌則二 初總示三學

佛告阿難汝常聞我毗奈耶中宣說修行三決定義
所謂攝心爲戒因戒生定因定發慧是則名爲三無
漏學

三藏之中毗奈耶律藏也則大小乘戒通稱也小乘稟法為戒粗治其末大乘攝心為戒細絕其本法戒則無犯而已心戒則無思犯也夫能攝心則定由是生慧由是發三者圓明則諸漏未盡故名三無漏學攝持軌則莫尚乎此

△二別示四重四重即十戒之初四波羅夷為根本重罪文四 一姪六 一持則出纏

阿難云何攝心我名為戒若諸世界六道眾生其心不姪則不隨其生死相續

眾生皆因姪欲而正性命故纏生死若欲愛乾枯

則殘質不續矣言其心不姪其心不偷皆使無思犯也

△二犯則墜墮

汝修三昧本出塵勞姪心不除塵不可出縱有多智禪定現前如不斷姪必落魔道上品魔王中品魔民下品魔女彼等諸魔亦有徒眾各自謂成無上道魔亦多智修禪為不斷姪故不成聖道帶姪修禪必落此類

△三預令戒備

我滅度後末法之中多此魔民熾盛世間廣行貪姪

爲善知識令諸衆生落愛見坑失菩提路

末世衆生無正法眼多被魔惑預須戒備勿遭誘
攝也但貪欲愛不顧陷墜名愛見坑

△四令宣明誨

汝教世人修三摩地先斷心婬是名如來先佛世尊
第一決定清淨明誨

諸經殺戒居首爲設化以慈悲爲本此經婬戒居
首爲真修以離欲爲本蓋欲氣麤濁染汙妙明欲
習狂迷易失正受續生死喪真常莫甚於此故須
首戒而爲第一清淨明誨也觀阿難起教示遭邪

染而厥初發心先厭欲濁至於三漸次中一一首
懲然後身心妙圓獲大安隱十信初心由欲愛乾
枯而慧性圓明遂階等妙諸世間人由心不流逸
而澄瑩生明漸乎六天是故真修內攝必先離欲
也

△五重彰過失二 一喻明

是故阿難若不斷婬修禪定者如蒸沙石欲其成飯
經百千劫祇名熱沙何以故此非飯本沙石成故
本質不美求冀謾勞

△二結顯

撰述
宮林廣經義卷十一
汝以姪身求佛妙果縱得妙悟皆是姪根根本成姪
輪轉三塗必不能出如來涅槃何路修證

所謂以金爲器器皆金以土爲器器皆土則
因行不可不慎也

△六勸令必斷

必使姪機身心俱斷斷性亦無於佛菩提斯可希冀
機者姪心所自發斷性不無觸機則發矣

如我此說名爲佛說不如此說卽波旬說

令信正言也波旬魔名

△二殺九 一持則出纏

阿難又諸世界六道衆生其心不殺則不隨其生死
相續

汝負我命我還汝債所以相續

△二犯則墜墮

汝修三昧本出塵勞殺心不除塵不可出縱有多智
禪定現前如不斷殺必落神道上品之人爲大力鬼
中品則爲飛行夜叉諸鬼帥等下品當爲地行羅刹
彼諸鬼神亦有徒衆各各自謂成無上道

帶殺修禪必墮神類

△三預令誠備

撰述
三本房經卷第十一
一
我滅度後末法之中多此鬼神熾盛世間自言食肉得菩提路

預須戒備勿遭誘說

△四令曉權宜

阿難我令比丘食五淨肉此肉皆我神力化生本無命根汝婆羅門地多蒸溼加以沙石草葉不生我以大悲神力所加因大慈悲假名爲肉汝得其味奈何如來滅度之後食衆生肉名爲釋子

佛化初行隨事漸制權許五淨耳不見不聞不疑自死鳥殘名五神力所化本無命根名淨此乃小

乘權宜若真慈真脫皆在所斷故梵網初演涅槃終談莫不切禁也此列五淨而他經或三或七涅槃或九者特開合耳婆羅門淨行通稱也

△五示惡根本

汝等當知是食肉人縱得心開似三摩地皆大羅刹報終必沉生死苦海非佛弟子如是之人相殺相吞相食未已云何是人得出三界

根本不善終莫成善似三摩地者似則非真爲根本妄故

△六令宣明誨

汝教世人修三摩地次斷殺生是名如來先佛世尊
第二決定清淨明誨

△七重彰過失二 一喻明

是故阿難若不斷殺修禪定者譬如有人自塞其耳
高聲大叫求人聞此等名爲欲隱彌露

修禪避罪反乃行殺塞耳避人反乃高聲是欲隱
彌露也

△二結顯

清淨比丘及諸菩薩於岐路行不蹋生草況以手拔
云何大悲取諸衆生血肉充食

不誤踐不故拔仁慈之至猶及草木況食衆生

△八廣明緣對

若諸比丘不服東方絲綿絹帛及是此土靴履裘毳
乳酪醍醐如是比丘於世真脫酬還宿債不遊三界
何以故服其身分皆爲彼緣如人食其地中百穀足
不離地

東方不無裘毳西土不無絲帛各以多分言也劫
初之人體有飛光足若御雲由乎食地肥嚼香稻
故其體堅重足不離地

△九勸令必斷

必使身心於諸衆生若身身分身心二塗不服不食
我說是人真解脫者如我此說名爲佛說不如此說
卽波旬說

身血肉髓腦也身分裘毳乳酪也身服食心貪求
故曰二塗必須併斷也清淨明誨於諸惡緣禁切
若此而今人多取牛乳助齋大嚼恣噉不避葷穢
是誠何心哉靜揣其來乃腥臊交遘所發膿血襍
亂餘液是欲惡之精脂肉之腴出於糞穢形軀爲
不淨之至也噉其精則真味欲惡食其腴又何異
脂肉清淨真脫者固如是耶五辛菜屬尚不可食

較斯過惡倍蓰無算速宜除之勿貪爽口腴腸而
公違淨誨也或曰昔者大覺受牧女之獻聽阿難
之求又何謂耶曰此小乘權宜爲枯餒疾患者設
耳乃草座應機之事濁世現行之法七寶樹下金
剛體中有是事哉不以大乘了義爲正而泥權宜
不了之說則不唯取乳助齋當執五淨假名而於
淨筵法席加邊列俎爲大羅刹矣

△三盜八 一持則出纏

阿難又復世界六道衆生其心不偷則不隨其生死
相續

撰述
不與而取皆爲偷盜分越所酬猶徵其剩況乃盜
取得無反徵此所以生死相續

△二犯則墜墮

汝修三昧本出塵勞偷心不除塵不可出縱有多智
禪定現前如不斷偷必落邪道上品精靈中品妖魅
下品邪人諸魅所著彼等群邪亦有徒衆各各自謂
成無上道

邪道奸欺故偷必墮落

△三預令誠備

我滅度後末法之中多此妖邪熾盛世間潛匿姦欺

稱善知識各自謂已得上人法該惑無識恐令失心
所過之處其家耗散

須防誘攝也

△四責其貪竊

我教比丘循方乞食令其捨貪成菩提道諸比丘等
不自熟食寄於殘生旅泊三界示一往還去已無返
云何賊人假我衣服裨販如來造種種業皆言佛法
却非出家具戒比丘爲小乘道由是疑誤無量衆生
墮無間獄

方法也僧祇律云乞食謂之分衛謂分施衆僧衛

撰述
護道力肇法師云乞食略有四意一爲福利群生
二爲折伏憍慢三爲知身有苦四爲除去滯著今
經令其捨貪不自熟食卽除去滯著也成菩提道
卽衛護道力福利群生也知身爲儻寄知世爲旅
泊無事畜藏無所顧戀皆所謂循方也不能循方
而貪饗造業是敗法毀則故號賊人雖服佛之服
而不淨活命是假我衣服裨附佛法以貪販利養
而已

△五教令懺捨

若我滅後其有比丘發心決定修三摩地能於如來

形像之前身笑一燈燒一指節及於身上爇一香炷
我說是人無始宿債一時酬畢長揖世間未脫諸漏
雖未卽明無上覺路是人於法已決定心若不爲此
捨身微因縱成無爲必還生人酬其宿債如我馬麥
正等無異

身爲業本漏緣無始已來爲之貪求爲之積債今
能捨之作無上業故能酬宿債脫諸漏也蓋一切
難捨無過已身難捨能捨則自餘貪愛決能棄捨
故曰是人於法已決定心苟能捨身而心不決捨
則徒增業苦無益於道故下云必使身心二俱捐

捨也佛爲宿詬比丘可食馬麥故證果後於毗蘭
邑食之示宿債必酬也

△六令宣明誨

汝教世人修三摩地後斷偷盜是名如來先佛世尊
第二決定清淨明誨

△七重彰過失

是故阿難若不斷偷修禪定者譬如有人水灌漏卮
欲求其滿縱經塵劫終無平復

道器不完道果終漏

△八勸令必捨

若諸比丘衣鉢之餘分寸不畜乞食餘分施餓衆生
於大集會合掌禮衆有人播置同於稱讚必使身心
二俱捐捨身肉骨血與衆生共不將如來不了義說
廻爲已解以誤初學佛印是人得真三昧如我所說
名爲佛說不如此說卽波旬說

衣鉢不畜視毀如讚此於利害二途身心俱捨也
身肉骨血與衆生共則不私其身不顧其生又捨
之至也行能至此則其心不偷可知矣阿含稱所
畜物可以資身進道薩婆多論許百物各可畜一
皆不了義也

△四妄六 一犯則墮失

阿難如是世界六道衆生雖則身心無殺盜婬三行已圓若大妄語卽三摩地不得清淨成愛見魔失如來種所謂未得謂得未證言證或求世間尊勝第一謂前人言我今已得須陀洹果斯陀舍果阿那舍果阿羅漢道辟支佛乘十地地前諸位菩薩求彼禮懺貪其供養

於四果十地未得謂得名大妄語貪其供養求已尊勝名愛魔妄起邪見謂已齊聖名見魔皆大妄也

是一顛迦消滅佛種如人以刀斷多羅木佛記是人未殞善根無復知見沉三苦海不成三昧

一顛迦卽一闡提也貝多羅樹以刀斷則不復活喻大妄人未絕善根三苦三塗也

△二舉真顯妄

我滅度後勅諸菩薩及阿羅漢應身生彼末法之中作種種形度諸輪轉或作沙門白衣居士人王宰官童男童女如是乃至婬女寡婦姦偷屠販與其同事稱讚佛乘令其身心入三摩地終不自言我真菩薩真阿羅漢洩佛密因輕言未學唯除命終陰有遺付

云何是人惑亂衆生成大妄語

真聖應迹終自韜晦不以密因輕告未學

△三令宣明誨

汝教世人修三摩地後復斷除諸大妄語是名如來
先佛世尊第四決定清淨明誨

△四重彰過失

是故阿難若不斷其大妄語者如刻人糞爲栴檀形
欲求香氣無有是處

挾妄修禪質終不美

△五深責虛誑

我教比丘直心道場於四威儀一切行中尚無虛假
云何自稱得上人法譬如窮人妄號帝王自取誅滅
況復法王如何妄竊因地不真果招紆曲求佛菩提
如噬臍人欲誰成就

牒未得謂得求已尊勝之事而深責也淨名曰直
心是道場無虛假故四儀行住坐卧也左傳噬臍
謂終莫能及也今之自稱得上人法而妄竊法王
者多矣宜以經言爲誠

△六勸令真實

若諸比丘心如直絃一切真實入三摩地求無魔事

撰述
我印是人成就菩薩無上知覺

上以紆曲故終莫成就此能絃直故印其成就

如我所說名爲佛說不如此說卽波旬說

上文總明四重戒也初標三學而終止四戒者定

慧已備前文

大佛頂如來密因修證了義諸菩薩萬行首楞嚴經

要解卷第十二

音切

毳

初稅切

誕

音靴

許瓜

詒

古犬切

姦

古顏切

耗

許到切

裨

音甲

揖

伊入切

扈

音支

捶

之累切

詈

力智切

泄

思列切

誅

音誅

噬

逝

音甲

絃

胡田切

吳江信女真氏施刻

首楞嚴經要解第十二卷新男周之賦

早生貴子

嘉禾釋道場對醫堂唐士登書進賢高鑣刻

萬曆甲午孟春徑山寺識

大佛頂如來密因修證了義諸菩薩萬行首楞嚴經
要解卷第十二

唐天竺沙門般刺蜜諦譯

烏萇國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△二外攝軌則前示內攝此示外攝文二

一徵引內攝

阿難汝問攝心我今先說入三摩地修學妙門求菩

薩道要先持此四種律儀皎如冰霜自不能生一切
枝葉心三口四生必無因阿難如是四事若不遺失
心尚不緣色香味觸一切魔事云何發生

內攝為要故先說妙門先持四律四律為本餘戒
為末故四律潔淨則枝葉不生緣塵不偶而魔事
潛消正定可入矣心三即意三備舉十重也

△二正示外攝四 初勸誦神呪

若有宿習不能滅除汝教是人一心誦我佛頂光明
摩訶悉怛多般怛囉無上神呪斯是如來無見頂相
無為心佛從頂發輝坐寶蓮華所說心呪

現業易制自行可違宿習難除必假神力今夫行
人好正而固邪欲潔而偏染不教而能不願而為
隱然若有驅策而不能自己者宿習之使也德隆
而福鄙行善而身凶多障多寃數病數惱綿然若
有機緘而不能自釋者宿習之召也茲非一生一
劫之緣乃無始來念念受熏者故非神力莫能脫
之摩訶悉怛多般怛囉此云大白傘蓋即藏心也
量廓沙界曰大體絕妄染曰白用覆一切曰傘蓋
神呪從此流演故名心呪無見頂者華嚴九地知
識自說為佛乳母初生親捧持諦觀不見頂示頂

法不可以見見也

△二示呪神力

且汝宿世與摩登伽歷劫因緣恩愛習氣非是一生
及與一劫我一宣揚愛心未脫成阿羅漢彼尚姪女
無心修行神力冥資速證無學云何汝等在會聲聞
求最上乘決定成佛譬如以塵揚于順風有何艱險
登伽姪質猶能速證聲聞道器固易冥資也云何
合作何況

△三持呪軌則

若有末世欲坐道場先持比丘清淨禁戒要當選擇

戒清淨者第一沙門以爲其師若其不遇真清淨僧
汝戒律儀必不成就戒成已後著新淨衣焚香閑居
誦此心佛所說神呪一百八徧然後結界建立道場
求於十方現住國土無上如來放大悲光來灌其頂
師者人之模範正邪所自出故不遇第一真僧則
律儀不得成就誦呪百八表滅百八煩惱也

阿難如是末世清淨比丘若比丘尼白衣檀越心滅
貪姪持佛淨戒於道場中發菩薩願出入澡浴六時
行道如是不寐經三七日我自現身至其人前摩頂
安慰令其開悟

戒根清淨願行精誠乃能感應

△四結壇軌則二 一阿難詳問

阿難白佛言世尊我蒙如來無上悲誨心已開悟自知修證無學道成未法修行建立道場云何結界合佛世尊清淨軌則

請問結壇軌則之詳也言自知修證等者知呪力冥資聖果可期也

△二佛慈詳答五 一壇場用度

佛告阿難若末世人願立道場先取雪山大力白牛食其山中肥膩香草此牛唯飲雪山清水其糞微細

可取其糞和合栴檀以泥其地若非雪山其牛臭穢不堪塗地別於平原穿去地皮五尺已下取其黃土和上栴檀沉水蘇合熏陸鬱金白膠青木零陵甘松及雞舌香以此十種細羅爲粉合土成泥以塗場地法王法言卽事卽理法不孤起事無唐設如華嚴一字法門書海墨而不盡五位行相卽世諦以彰明凡所設施必有取像則此壇場用度無非表法也山爲高土雪山純淨上信也大力白牛純淨大根也香草淨水妙善淨智也茹退充實遺餘也上栴檀爲十香之首十度之總萬行之冠也原爲平

土中信也地皮未淨也五數之中黃色之中取中
中淨信也十香十波羅蜜法香也細羅爲粉推之
以爲微妙萬行也夫欲取如來寂滅場地必本於
廣大信心而資於淨智妙善以養成純一大根充
實遺餘猶足以合法香冠十度故可以嚴成寂滅
場地也上信大根有不可得則求其次焉故取中
中信心雖未能冠乎十度萬行而能具之者亦可
以嚴成

方圓丈六爲八角壇壇心置一金銀銅木所造蓮華
華中安鉢鉢中先盛八月露水水中隨安所有華葉

壇寂滅坦實之體也體具八正故爲八角能攝八
邪故方丈六壇心蓮華中道妙行也蓮之爲物花
實同體染淨同源表妙行大致也用金銀銅木所
造者表妙行云爲也金銀百鍊愈精而不變銅剛
而能同義之像也木能上草以覆其下仁之像也
夫依體起行精而不變剛而能同或以義制或以
仁覆無過不及凡皆會于中道乃所以爲妙行也
鉢爲應器表隨量應物也露爲陰澤以秋降八月
秋之中也水中華葉卽仁覆之行隨澤所施此又
隨量應物陰利潛化之表也

取八圓鏡各安其方圍繞華鉢鏡外建立十六蓮華
十六香鑪間華鋪設莊嚴香鑪純燒沉水無令見火
圓鏡大圓鏡智也各安八方圍繞華鉢者智行相
依隨方圓應也鏡外蓮華香鑪各十六而間設者
華表妙行香表妙德鏡外卽正智之外方便建立
使邪正相攝德行相熏庶久而俱化兩忘邪正也
純燒沉水無令見火者反德藏用滅伏覺觀然後
能契寂滅場地也或曰表法且然奈古德不解無
傷臆說歟曰愚所宗者華嚴大論若熟覽彼知此
非臆矣

△二獻享儀式

取白牛乳置十六噐乳爲煎餅并諸沙糖油餅乳糜
蘇合蜜薑純酥純蜜於蓮華外各各十六圍繞華外
以奉諸佛及大菩薩

表以法喜禪悅獻可二尊也權教開許乳酪實教
遮禁而復取以享奉者意在融權實同邪正故八
味亦各十六圍繞花外表融權攝邪之法喜隨行
施設也

每以食時若在中夜取蜜半升用酥三合壇前別安
一小火爐以兜樓婆香煎取香水沐浴其炭然令猛

熾投是酥蜜於炎爐內燒令煙盡享佛菩薩

佛以日中受食故每日日中致享中夜例日中也
蜜成於花表和融法行也酥成於乳表和融法味
也半爲中數三爲成數小火爐方寸覺心也以香
沐炭發覺之法也藥王然身先服兜樓婆香意能
發焰故取沐炭然令猛熾投酥蜜於焰爐燒令煙
盡者行法旣成不可終滯當於覺心勇猛煅煉使
習氣併鏢緣影俱亾豁然如所謂紅爐點雪者然
後爲佛所享夫居寂滅場食采禪悅者於此宜盡
心

△三像設儀式

令其四外徧懸幡花於壇室中四壁敷設十方如來
及諸菩薩所有形像應於當陽張盧舍那釋迦彌勒
阿閼彌陀諸大變化觀音形像兼金剛藏安其左右
帝釋梵王烏芻瑟摩并藍地迦諸軍荼利與毗俱胝
四天王等頻那夜迦張於門側左右安置

四外幡花外行嚴飾也室中四列自性四依也孤
山頌大經四依云五品十信初十住爲第二行向
地爲二等覺妙覺四當陽正位盧舍那等寂場眞
主也彌勒當來眞主也阿閼居東彌陀居西智悲

真主也諸大變化觀音形像上同下合真主也金剛藏常領金剛護持呪人伏魔斷障真主也門側左右釋梵等衆有力外護也末法修行凡賴於此一有所闕必不成就烏芻火頭金剛藍地迦青面金剛軍荼利金剛異號也毗俱胝亦大神變者毗盧神變經稱左邊毗俱胝三目持髮髻是也頻那夜迦卽猪頭象鼻二使者

又取八鏡覆懸虛空與壇場中所安之鏡方面相對使其形影重重相涉

壇中之鏡混物而有依行人之智也空中之鏡離物而無依諸佛之智也混物有依者方能照物未能照已必得乎離物無依住智交相爲用然後物我互照心境雙融諸佛衆生身土相入不勞動步不待擬心法法遍周事事無礙舉目千聖齊現觸處萬象昭然一花一番徧供塵刹一行一相充擴無窮不假神通不涉情謂寂場法法本如是也密因修證妙極於此

△四持呪儀式

於初七中至誠頂禮十方如來諸大菩薩阿羅漢號恒於六時誦呪圍壇至心行道一時常行一百八徧

撰述
第二七中一向專心發菩薩願心無間斷我毗奈耶
先有願教第三七中於十二時一向持佛般怛囉呪
至第七日十方如來一時出現鏡交光處承佛摩頂
卽於道場修三摩地能令如是末世修學身心明淨
猶如琉璃

一變爲七七變爲九皆陽數也而七居其中無過
不及故道場以七日爲期而取成於三焉凡所勸
嚮以歸依三寶爲最初方便故初七日至誠頂禮
如來菩薩羅漢名號所以假其不思議力發行助
道也然非願力無以持之故第二七日依毗尼教

專心發願也行願堅強則得大勇猛故第三七日
時無間歇呪無遍限一向誦持遂能以精誠感格
進力克功也鏡交光處則生佛智照感應道交也
身心明淨謂宿習緣障纖悉蕩絕此感應克功事
也百八乃呪之遍若行道則謂之卍

阿難若此比丘本受戒師及同會中十比丘等其中
有一不清淨者如是道場多不成就

今之道場少獲感應者以此

從三七後端坐安居經一百日有利根者不起于座
得須陀洹縱其身心聖果未成決定自知成佛不謬

汝問道場建立如是

儀備律完決獲果感得須陀洹者謂遂從凡地得入聖流非指小果也故云縱未成成果決知成佛如瓔珞經十地第四名須陀洹斷非小果矣

△五正說神呪三 一阿難哀請

阿難頂禮佛足而白佛言自我出家恃佛憍愛求多聞故未證無爲遭彼梵天邪術所禁心雖明了力不自由賴遇文殊令我解脫雖蒙如來佛頂神呪冥獲其力尚未親聞惟願大慈重爲宣說悲救此會諸修行輩末及當來在輪迴者承佛密音身意解脫

阿難所敘皆警末學而顯呪妙力也

于時會中一切大衆普皆作禮佇聞如來祕密章句

△二如來正說四 一現變

爾時世尊從肉髻中涌百寶光光中涌出千葉寶蓮有化如來坐寶華中頂放十道百寶光明一一光明皆徧示現十恒河沙金剛密迹擎山持杵遍虛空界大衆仰觀畏愛兼抱求佛哀祐一心聽佛無見頂相放光如來宣說神呪

光中遍現金剛威武之狀者示此呪力有大神用破魔斷障也又此呪常有八萬恒沙金剛藏王菩薩

釋
陸眷屬晝夜隨侍所以徧現餘義經首及卷初已

△二說呪

南無薩怛他蘇伽多耶阿羅訶帝三藐三菩陀寫一
薩怛他佛陀俱知瑟尼釤二南無薩婆勃陀勃地薩
跋鞞弊迦反南無薩多南三藐三菩陀俱知南四娑
舍囉婆迦僧伽喃五南無盧鷄阿囉漢跋喃六南無
蘇盧多波那喃七南無娑羯唎陀伽彌喃八南無盧
雞三藐伽跋喃九三藐伽波囉底波多那喃十南無
提婆離瑟赦十一南無悉陀耶毗地耶陀囉離瑟赦十二

舍波奴揭囉訶娑訶娑囉摩他喃三南無跋囉訶摩

泥四南無因陀囉耶五南無婆伽婆帝六嚧陀囉耶

七烏摩般帝八娑醯夜耶九南無婆伽婆帝十那囉

野拏耶十一槃遮摩訶三慕陀囉十二南無悉羯唎

多耶十三南無婆伽婆帝十四摩訶迦囉耶十五地

唎般刺那伽囉十六毗陀囉波拏迦囉耶十七阿地

目帝十八尸摩舍那泥婆悉泥十九摩怛唎伽拏二十

南無悉羯唎多耶二十一南無婆伽婆帝二十二多他伽

跋俱囉耶二十三南無般頭摩俱囉耶二十四南無跋闍

囉俱囉耶二十五南無摩尼俱囉耶二十六南無伽闍俱

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

囉耶三十一 南無婆伽婆帝八十 帝利茶輸囉西那十三

九波囉訶囉拏囉闍耶四 跋他伽多耶四十 南無婆

伽婆帝四十 南無阿彌多婆耶四十 跋他伽多耶四十

四阿囉訶帝五 三藐三菩陀耶四十 南無婆伽婆

帝四十 阿芻鞞耶四十 跋他伽多耶四十 阿囉訶帝

五三藐三菩陀耶五十 南無婆伽婆帝五十 鞞沙闍

耶俱噓吠柱唎耶三十 般囉婆囉闍耶五十 跋他伽

多耶五十 南無婆伽婆帝五十 三補師毖多五十 薩

憐捺囉刺闍耶五十 跋他伽多耶五十 阿囉訶帝六十

三藐三菩陀耶六十 南無婆伽婆帝六十 舍雞野母

那曳六十 跋他伽多耶六十 阿囉訶帝六十 三藐三

菩陀耶六十 南無婆伽婆帝七十 刺怛那雞都囉闍

耶六十 跋他伽多耶六十 阿囉訶帝七十 三藐三菩陀

耶七十 帝瓢南無薩羯唎多七十 翳曇婆伽婆多七十

三薩怛他伽都瑟尼釤七十 薩怛多般怛藍七十 南

無阿婆囉視耽七十 般囉帝揚岐囉七十 薩囉婆部

多揭囉訶七十 尼羯囉訶揭迦囉訶尼七十 跋囉怛

地耶叱陀你八十 阿迦囉蜜唎柱八十 般唎怛囉耶儂

揭唎八十 薩囉婆槃陀那目义尼八十 薩囉婆突瑟

吒八十 突悉乏般那你伐囉尼八十 楮都囉失帝南

撰述
百字原系身角之二
一
二
三
四
五
六
七
八
九
180
一
二
三
四
五
六
七
八
九
190
一
二
三
四
五
六
七
八
九

八十 羯囉訶娑訶薩囉若闍
六十 毗多崩娑那羯唎
八十 阿瑟吒冰舍帝南
九十 那义刹怛囉若闍
九十 波

囉薩陀那羯唎
九十 阿瑟吒南
九十 摩訶揭囉訶若
九十 薩婆舍都噓你娑囉

若闍
九十 呼藍突悉乏難遮那舍尼
九十 毗沙舍悉
恒囉
九十 阿吉尼烏陀迦囉若闍
九十 阿般囉視多

具囉
九十 摩訶般囉戰持
一百 摩訶疊多
一百 摩訶帝
闍
二 摩訶稅多闍婆囉
三 摩訶跋囉槃陀囉婆悉你

四 阿唎耶多囉
五 毗唎俱知
六 瞽婆毗闍耶
七 跋闍
囉摩禮底
八 毗舍噓多
九 勃騰罔迦
十 跋闍囉制喝

那阿遮
一百 摩囉制婆般囉質多
二十 跋闍囉擅持
三十

毗舍囉遮
四十 扇多舍鞞提婆補視多
五十 蘇摩噓波
六十

摩訶稅多
七十 阿唎耶多囉
八十 摩訶婆囉阿般囉
九十 跋
闍囉商羯囉制婆
二十 跋闍囉俱摩唎
一百 二 俱藍陀

唎
二十 跋闍囉喝薩多遮
三十 毗地耶乾遮那摩唎
四十 唎蘇母婆羯囉跋那
五十 鞞噓遮那俱唎耶

夜囉菟瑟尼鈿
七十 毗折噓婆摩尼遮
八十 跋
闍囉迦那迦波囉婆
九十 噓闍那跋闍囉頓椎遮
三十

稅多遮迦摩囉
一百 三 刹奢尸波囉婆
二十 翳帝夷
帝
三十 母陀囉羯拏
四十 娑鞞囉懺
五十 掘梵都
三十

支那
百字原系身角之二
一
二
三
四
五
六
七
八
九
180
一
二
三
四
五
六
七
八
九
190
一
二
三
四
五
六
七
八
九

六 印兔那麼麼寫三十七誦呪者至此烏鉢八十喇

瑟揭拏九般刺舍悉多四薩怛他伽都瑟尼釤百一

一 四十 虎鉢四十都嚧雍四十瞻婆那四十虎鉢四十一

都盧雍四十悉耽婆那七虎鉢四十都嚧雍四十九

波羅瑟地耶三般義拏羯囉十五虎鉢一百五都嚧雍

二 五十 薩婆藥義喝囉刹娑五十揭囉訶若闍四毗

騰崩薩那羯囉五十虎鉢六十都嚧雍七十者都囉

尸底南五十揭囉訶娑訶薩囉南五十毗騰崩薩那

囉六十虎鉢一百六都嚧雍六十囉義六十婆伽梵十六

四 薩怛他伽都瑟尼釤五十波羅點闍吉喇六十摩

訶娑訶薩囉六十勃樹娑訶薩囉室喇沙六十俱知

娑訶薩泥帝隸九十阿弊提視婆喇多七十吒吒鬘迦

一 一百七 摩訶跋闍嚧陀囉二十帝喇菩薩那七十曼

茶囉七十烏鉢七十莎悉帝薄婆都七十麼麼七十

印兔那麼麼寫七十八至此句準前稱囉闍婆夜七十

九 主囉跋夜八十阿祇尼婆夜一百八烏陀迦婆夜八十

毗沙婆夜八十舍薩多囉婆夜八十婆羅斫羯囉

婆夜八十突瑟義婆夜八十阿舍你婆夜八十阿迦

囉蜜喇柱婆夜八十陀囉尼部彌劔波伽波陀婆夜

九 八十 烏囉迦婆多婆夜九十刺闍壇茶婆夜一百九那

970 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

三才集解卷之二

十四

卷之二

伽婆夜

九十二 毗條怛婆夜

九十三 蘇波囉拏婆夜

九十四

藥叉揭囉訶

九十五 囉義私揭囉訶

九十六 畢喇多揭囉

九十七

訶

九十八 毗舍遮揭囉訶

九十九 部多揭囉訶

一百 鳩槃

茶揭囉訶

一百一 補丹那揭囉訶

一百二 迦吒補丹那揭囉

一百三

訶

一百四 悉乾度揭囉訶

一百五 阿播悉摩囉揭囉訶

一百六 烏檀

摩陀揭囉訶

一百七 車夜揭囉訶

一百八 醯喇婆帝揭囉訶

一百九

社多訶喇南

一百十 揭婆訶喇南

一百十一 噓地囉訶喇南

一百十二 忙

娑訶喇南

一百十三 謎陀訶喇南

一百十四 摩闍訶喇南

一百十五 闍多

訶喇女

一百十六 視比多訶喇南

一百十七 毗多訶喇南

一百十八 婆多訶

喇南

一百十九 阿輸遮訶喇女

一百二十 質多訶喇女

一百二十一 帝鈇薩鞞

鈇

一百二十二 薩婆揭囉訶南

一百二十三 毗陀耶闍瞋陀夜彌

二雞囉夜彌

一百二十四 波喇跋囉者迦訶喇擔

一百二十五 毗陀

夜闍瞋陀夜彌

一百二十六 雞囉夜彌

一百二十七 茶演尼訶喇擔

七毗陀夜闍瞋陀夜彌

一百二十八 雞囉夜彌

一百二十九 摩訶

般輸般怛夜

一百三十 噓陀囉訶喇擔

一百三十一 毗陀夜闍瞋

陀夜彌

一百三十二 雞囉夜彌

一百三十三 那囉夜拏訶喇擔

毗陀夜闍瞋陀夜彌

一百三十四 雞囉夜彌

一百三十五 怛埵伽噓

茶西訶喇擔

一百三十六 毗陀夜闍瞋陀夜彌

一百三十七 雞囉夜

彌

一百三十八 摩訶迦囉摩怛喇伽拏訶喇擔

一百三十九 毗陀夜闍

瞋陀夜彌

一百四十 雞囉夜彌

一百四十一 迦波喇迦訶喇擔

十支那

百學及巫記卷之三

十五

卷之二

佛說... 卷之三

四十 毗陀夜闍瞋陀夜彌四 雞囉夜彌五 闍耶

羯囉摩度羯囉六 薩婆囉他娑達那訖唎擔七

毗陀夜闍瞋陀夜彌八 雞囉夜彌九 赭咄囉婆

者你訖唎擔十 毗陀夜闍瞋陀夜彌十一 雞囉夜

彌十二 毗唎羊訖唎知十三 難陀雞沙囉伽拏般帝

十四 索醯夜訖唎擔十五 毗陀夜闍瞋陀夜彌十六

雞囉夜彌十七 那揭那舍囉婆拏訖唎擔十八 毗陀

夜闍瞋陀夜彌十九 雞囉夜彌二十 阿囉漢訖唎擔毗

陀夜闍瞋陀夜彌二十一 雞囉夜彌二十二 毗多囉伽

訖唎擔二十三 毗陀夜闍瞋陀夜彌二十四 雞囉夜彌跋

闍囉波你二十五 具醯夜具醯夜二十六 迦地般帝訖唎

擔二十七 毗陀夜闍瞋陀夜彌二十八 雞囉夜彌二十九 囉

又因三十 婆伽梵三十一 印免那麼麼寫三十二 至此

名 婆伽梵三十三 薩怛多般怛囉三十四 南無粹都帝三十五

五 阿悉多那囉刺迦三十六 波囉婆悉普吒三十七 毗迦

薩怛多鉢帝唎三十八 什佛囉什佛囉三十九 陀囉陀囉

八 頻陀囉頻陀囉瞋陀瞋陀四十 虎餗四十一 虎餗

三 洋吒四十二 洋吒四十三 洋吒四十四 娑訶四十五

醯醯洋四十六 阿牟迦耶洋四十七 阿波囉提訶多洋四十八

九 婆囉波囉陀洋四十九 阿素囉毗陀囉波迦洋五十

九 婆囉波囉陀洋五十一

薩婆提鞞弊泮九十 薩婆那伽弊泮九十 薩婆藥叉

弊泮九十 薩婆乾闥婆弊泮九十 薩婆補丹那弊泮九十

迦吒補丹那弊泮九十 薩婆突狼枳帝弊泮九十

薩婆突澀比嚩訖瑟帝弊泮九十 薩婆什婆唎弊

泮百 薩婆阿播悉摩嚩弊泮三百 薩婆舍囉婆拏弊

泮百 薩婆地帝雞弊泮三 薩婆怛摩陀繼弊泮四 薩

婆毗陀耶囉誓遮嚩弊泮五 闍夜羯囉摩度羯囉六

薩婆羅他娑陀雞弊泮七 毗地夜遮唎弊泮八 者都

囉縛耆你弊泮九 跋闍囉俱摩利十 毗陀夜羅誓弊

泮三百 摩訶波囉丁羊叉耆唎弊泮二 跋闍囉商羯

囉夜三 波囉丈耆囉闍耶泮四 摩訶迦囉夜五 摩訶

末怛唎迦拏六 南摩娑羯唎多夜泮七 瑟瑟拏婢曳

泮八 勃囉訶牟尼曳泮九 阿耆尼曳泮十 摩訶羯唎

曳泮十一 羯囉檀遲曳泮十二 蔑怛唎曳泮十三

嚩怛唎曳泮十四 遮文茶曳泮十五 羯邏囉怛唎曳

泮十六 迦般唎曳泮十七 阿地目質多迦尸摩舍那

婆私你曳泮十八 演吉質十九 薩埵婆寫三百三

麼麼印兔那麼麼寫三十二至此句 突瑟吒質多三

阿末怛唎質多四 烏闍訶囉五 加婆訶囉六

六 噓地囉訶囉七 婆娑訶囉八 摩闍訶囉九

9710 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

日本書紀卷之三

十一

卷之三

闍多訶囉四視毖多訶囉三百四跋略夜訶囉四

乾陀訶囉四布史波訶囉四頗囉訶囉四婆

寫訶囉四般波質多四突瑟吒質多四勞陀

囉質多四藥叉揭囉訶五囉利娑揭囉訶三五

閉隸多揭囉訶二毗舍遮揭囉訶三部多揭囉

訶五鳩槃荼揭囉訶五悉乾陀揭囉訶五烏

但摩陀揭囉訶七車夜揭囉訶八阿播薩摩囉

揭囉訶九宅祛革荼耆尼揭囉訶六唎佛帝揭囉

訶三百六 闍彌迦揭囉訶二舍俱尼揭囉訶六

姥陀囉難地迦揭囉訶四阿藍婆揭囉訶五乾

度波尼揭囉訶六什伐囉堙迦醯迦七墜帝藥

迦六但隸帝藥迦九者突託迦七昵提什伐囉

毖鈇摩什伐囉十一薄底迦二鼻底迦三室

隸瑟蜜迦四娑你般帝迦五薩婆什伐囉六室

室嚧吉帝七末陀鞞達嚧制劔八阿綺嚧鉗七

九 目佉嚧鉗十羯唎突嚧鉗十一揭囉訶八

二 羯拏輸藍三憚多輸藍四迄唎夜輸藍五

末麼輸藍六跋唎室婆輸藍七毖栗瑟吒輸藍

八 烏陀囉輸藍九羯知輸藍十跋悉帝輸藍三

九 鄔嚧輸藍二常伽輸藍三喝悉多輸藍九

370 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

法苑珠林卷之十一

十一

卷之十一

跋陀輪藍

九

娑房盎伽般囉丈伽輸藍

九

多毖路茶

九

茶耆尼什婆囉

九

噓吉知婆路多毗

九

薩般噓訶凌伽

四

娑那羯囉

四

毗沙俞迦

二

阿耆尼烏陀迦

三

鞞囉建踰囉

四

阿迦囉密喇咄怛斂部迦

五

地栗刺

吒

六

毖喇瑟質迦

七

薩婆那俱囉

八

肆引伽弊揭囉

喇藥义怛囉芻

九

末囉視吠帝鈇娑鞞鈇

十

悉怛多

鉢怛囉

四

摩訶跋闍噓瑟尼鈇

二

藍三夜波突陀舍耆闍那

十

辯怛隸拏

五

毗陀耶槃曇迦噓彌

六

帝殊槃曇迦噓彌

七

般囉毗陀槃曇迦

噓彌

八

路姪他

九

阿那隸

四

毗舍提

二

鞞囉跋闍囉陀喇

三

槃陀槃陀你

四

跋闍囉謗

尼泮

五

虎餅都噓甕泮

六

莎婆訶

七

四百十八已前但是皈依三寶賢聖及敘呪功力

求願加被之事至踰姪他此云卽說呪曰下乃祕

密心呪前云一時常行一百八遍卽此而已不局

時分則應通誦呪亦曰陀羅尼此云總持卽諸佛

密語神智妙用總無量義持無量法摧邪立正殄

惡生善皆能總而持之而不稱者備在五名

大佛頂如來密因修證了義諸菩薩萬行首楞嚴經

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

要解卷第十三

音切

軌居壘切 糜武悲切 享許兩切 鈔所鑿切 踈丁个切 揭居列切 恣

秘音蔽切 鞞女耕切 啣音骨切 菴音兔切 掘勅勿切 舛干今切 髡音鴛切 粹音邃切

姥莫補切 埋音因切 昵女質切 鉗巨淹切 憚徒按切 迄許訖切 凌音陵切

盜烏浪切 辯毗典切

吳江居士周之軌施贊刻此首楞嚴經要解第十三卷薦先考周亨往生安養嘉禾釋道梅對顯寧唐士登書江

細金

大佛頂如來密因修證了義諸菩薩萬行首楞嚴經要解卷第十四

唐天竺沙門般刺蜜諦譯

烏菴國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△三結功

阿難是佛頂光聚悉怛多般怛囉祕密伽陀微妙章句出生十方一切諸佛十方如來因此呪心得成無

支那

音聲文匯卷之十四

卷四

上正徧知覺十方如來執此呪心降伏諸魔制諸外
道十方如來乘此呪心坐寶蓮華應微塵國十方如
來舍此呪心於微塵國轉大法輪十方如來持此呪
心能於十方摩頂授記自果未成亦於十方蒙佛授
記十方如來依此呪心能於十方拔濟群苦所謂地
獄餓鬼畜生盲聾瘖瘂冤憎會苦愛別離苦求不得
苦五陰熾盛大小諸橫同時解脫賊難兵難王難獄
難風火水難飢渴貧窮應念消散十方如來隨此呪
心能於十方事善知識四威儀中供養如意恒沙如
來會中推爲大法王子十方如來行此呪心能於十

方攝受親因令諸小乘聞祕密藏不生驚怖十方如
來誦此呪心成無上覺坐菩提樹入大涅槃十方如
來傳此呪心於滅度後付佛法事究竟住持嚴淨戒
律悉得清淨若我說是佛頂光聚般怛囉呪從旦至
暮音聲相聯字句中間亦不重疊經恒沙劫終不能
盡

所謂呪心者卽大白傘蓋廣大無染周覆法界如
來藏心祕密法門也惟其廣大周覆爲如來藏故
持之因之卽能出生諸佛成無上覺降魔應化拔
濟群苦及餘功德經恒沙劫說不能盡也地獄餓

撰述
卷一四
四

鬼等略舉八難之四怨憎愛別等略舉八苦之四也灌頂經大橫有九小橫無數攝受親因即攝諸有緣也
亦說此呪名如來頂汝等有學未盡輪迴發心至誠取阿羅漢不持此呪而坐道場令其身心遠諸魔事無有是處

上顯如來境界此明亦攝漸修

△四勸持三 一總勸

阿難若諸世界隨所國土所有衆生隨國所生樺皮貝葉紙素白氎書寫此呪貯於香囊是人心昏未能

誦憶或帶身上或書宅中當知是人盡其生年一切諸毒所不能害

△二顯益二 一標

阿難我今爲汝更說此呪救護世間得大無畏成就衆生出世間智

△二釋

若我滅後末世衆生有能自誦若教他誦當知如是誦持衆生火不能燒水不能溺大毒小毒所不能害如是乃至龍天鬼神精祇魔魅所有惡呪皆不能着心得正受一切呪詛厭蠱毒藥金毒銀毒草木蟲蛇

支那
百卷文選卷之四
三
九四

萬物毒氣入此人口成甘露味一切惡星并諸鬼神
殛心毒人於如是人不能起惡頻那夜迦諸惡鬼王
并其眷屬皆領深恩常加守護

卽所謂救護世間得大無畏也以誦呪利彼故諸
惡鬼王皆領深恩金銀入藥或能發毒

阿難當知是呪常有八萬四千那由他恒河沙俱胝
金剛藏王菩薩種族一一皆有諸金剛衆而爲眷屬
晝夜隨侍設有衆生於散亂心非三摩地心憶口持
是金剛王常隨從彼諸善男子何況決定菩提心者
此諸金剛菩薩藏王精心陰速發彼神識是人應時

心能記憶八萬四千恒河沙劫周徧了知得無疑惑

所謂成就衆生出世間智也華嚴百二十大數初

云一百洛义爲一俱胝俱胝俱胝爲一阿庾多阿

庾多阿庾多爲一那由他對此方百千萬億兆京

姪則洛义爲一億俱胝爲兆那由他卽姪也精心

陰速者妙心陰潛速疾資發也

△三廣顯十 一不墮惡趣

從第一劫乃至後生生不生藥义羅刹及富單那
迦吒富單那鳩槃荼毗舍遮等并諸餓鬼有形無形
有想無想如是惡處是善男子若讀若誦若書若寫

撰述
五辛種種不淨一切諸佛菩薩金剛天仙鬼神不將
爲過設着不淨破弊衣服一行一住悉同清淨縱不
作壇不入道場亦不行道誦持此呪還同入壇行道
功德無有異也若造五逆無間重罪及諸比丘比丘
尼四棄八棄誦此呪已如是重業猶如猛風吹散沙
聚悉皆滅除更無毫髮

未受謂未持呪時飲噉等皆言往事也比丘四棄
卽前四重犯當屏棄不得共住比丘尼八棄加觸
八覆隨

△五消除宿障

阿難若有衆生從無量無數劫來所有一切輕重罪
障從前世來未及懺悔若能讀誦書寫此呪身上帶
持若安住處莊宅園館如是積業猶湯消雪不久皆
得悟無生忍

△六所求隨願

復次阿難若有女人未生男女欲求孕者若能至心
憶念斯呪或能身上帶此悉怛多般怛囉者便生福
德智慧男女求長命者卽得長命欲求果報速圓滿
者速得圓滿身命色力亦復如是命終之後隨願往
生十方國土必定不生邊地下賤何況雜形

雜形鬼畜等類也

△七能安家國

阿難若諸國土州縣聚落飢荒疫癘或復刀兵賊難
鬪諍兼餘一切厄難之地寫此神呪安城四門并諸
支提或脫闍上令其國土所有衆生奉迎斯呪禮拜
恭敬一心供養令其人民各各身佩或各各安所居
宅地一切災厄悉皆消滅

支提云可供養處卽淨刹通稱也脫闍云幢

△八歲豐民樂

阿難在在處處國土衆生隨有此呪天龍歡喜風雨

順時五穀豐殷兆庶安樂亦復能鎮一切惡星隨方
變怪災障不起人無橫夭杻械枷鎖不著其身晝夜
安眠常無惡夢

△九災變不作

阿難是娑婆界有八萬四千災變惡星二十八惡
星而爲上首復有八大惡星以爲其主作種種形出
現世時能生衆生種種災異有此呪地悉皆消滅十
二由旬成結界地諸惡災祥末不能入

天反時物逆理皆所以爲災而反之逆之職由乎
人天與物應之而已所謂災變惡星則應人之災

惡者也八萬四千應衆生煩惱業也二十八則四方之紀八則五行之經及羅計孛也順則福應逆則災應所謂惠迪吉從逆凶也能生災異者亦應其逆而已如彗孛飛流爲應同分非星之爲也今以呪力叶乎百順故惡變悉滅於天災祥不入其境祥吉凶先見也

△十結告行人

是故如來宣示此呪於未來世保護初學諸修行者入三摩地身心泰然得大安隱更無一切諸魔鬼神及無始來冤橫宿殃舊業陳債來相惱害汝及衆中

諸有學人及未來世諸修行者依我壇場如法持戒所受戒主逢清淨僧於此呪心不生疑悔是善男子於此父母所生之身不得心通十方如來便爲妄語言戒潔心誠決能感致也心通謂障消智明如金剛藏速發之事

△三衆願護持六一金剛衆

說是語已會中無量百千金剛一時佛前合掌頂禮而白佛言如佛所說我當誠心保護如是修菩提者

△二天王衆

爾時梵王并天帝釋四天大王亦於佛前同時頂禮

而白佛言審有如是修學善人我當盡心至誠保護
令其一生所作如願

唐宣律師行道跌足事符此說

△三鬼神衆

復有無量藥叉大將諸羅刹王富單那王鳩槃荼王
毗舍遮王頻那夜迦諸大鬼王及諸鬼神亦於佛前
合掌頂禮我亦誓願護持是人令菩提心速得圓滿

△四天神衆

復有無量日月天子風師雨師雲師雷師并電伯等
年歲巡官諸星眷屬亦於會中頂禮佛足而白佛言

我亦保護是修行人安立道場得無所畏

△五地祇衆

復有無量山神海神一切土地水陸空行萬物精祇
并風神王無色界天於如來前同時稽首而白佛言
我亦保護是修行人得成菩提永無魔事

風師行風風王主風此與無色天繼地祇舉者前
舉釋梵方及二天後舉地水未盡風火故終舉風
神以該四大舉無色以該三界也

△六菩薩衆

爾時八萬四千那由他恒河沙俱胝金剛藏王菩薩

在大會中卽從座起頂禮佛足而白佛言世尊如我等輩所修功業久成菩提不取涅槃常隨此呪救護末世修三摩地正修行人世尊如是修心求正定人若任道場及餘經行乃至散心遊戲聚落我等徒衆常當隨從侍衛此人縱令魔王大自在天求其方便終不可得諸小鬼神去此善人十由旬外除彼發心樂修禪者世尊如是惡魔若魔眷屬欲來侵擾是善人者我以寶杵殞碎其首猶如微塵恒令此人所作如願

欲色界中一天名大自在卽魔王天也二修道分

竟

△三證果分由前密因了義而修可以高證佛果也阿難於此獨問修證地位世尊答文首敘十二類生而後明五十七位者意使一切衆生依此法門從凡入聖重重研極至盡妙覺成無上道而後已也文二 初阿難請問

阿難卽從座起頂禮佛足而白佛言我輩愚鈍好爲多聞於諸漏心未求出離蒙佛慈誨得正熏修身心快然獲大饒益世尊如是修證佛三摩地未到涅槃云何名爲乾慧之地四十四心至何漸次得修行目

諸何方所名入地中云何名爲等覺菩薩作是語已
五體投地大衆一心佇佛慈音瞪眇瞻仰

聖位極果曰涅槃初因曰乾慧自乾慧入信住行
向及四加行爲四十四心卽信解行位目曰修行
復進十地名入地中是爲初證至十一地名爲等
覺猶是分證及到涅槃名爲妙覺乃極證也疑視
曰瞪冥心則眇

△二佛慈開示二 初讚許

爾時世尊讚阿難言善哉善哉汝等乃能普爲大衆
及諸末世一切衆生修三摩地求大乘者從於凡夫

終大涅槃懸示無上正修行路汝今諦聽當爲汝說
阿難大衆合掌剎心默然受教

剎除雜想虚心受教也

△二廣陳五 初本無修證

佛言阿難當知妙性圓明離諸名相本來無有世界
衆生

△二因妄有修

因妄有生因生有滅生滅名妄滅妄名真是稱如來
無上菩提及大涅槃二轉依號

生滅真妄菩提涅槃皆所謂諸名相也妙性之中

本來圓離由迷妄相因故有修有證於是轉不覺而依菩提轉生死而依涅槃名二轉依號

△三令識妄因二 一略舉

阿難汝今欲修真三摩地直詣如來大涅槃者先當識此衆生世界二顛倒因顛倒不生斯則如來真三摩地

前明三種相續此明二顛倒因乃開合言之下云熏以成業卽攝業果但前明生起之相此明修斷之要義同意別也修三摩地能識倒因乃能斷治倒妄不生則復正性故曰斯則如來真三摩地

△二詳明三 一總敘倒因

阿難云何名爲衆生顛倒阿難由性明心性明圓故因明發性性妄見生從畢竟無成究竟有此所有非因所因住所住相了無根本本此無住建立世界及諸衆生

性明心指真如體也性明圓言不守自性也由其不守自性故因妄明而發妄性因妄性而生妄見於是從無相真成有相妄故曰從畢竟無成究竟有然此能有所有能住所住悉皆非因所因悉皆了無根本文見也本此無住建立世界衆生則知

二者無因無本全卽倒妄而已

△二派成二倒二 一衆生顛倒

迷本圓明是生虛妄妄性無體非有所依

迷真起妄衆相競生故名衆生此明起妄之本下

明競生之相

將欲復真欲真已非真真如性非真求復宛成非相
非生非住非心非法展轉發生生力發明熏以成業
同業相感因有感業相滅相生由是故有衆生顛倒
因迷本性故欲復真然希欲心生自己失真故曰
欲真已非真真如性也以非真而求復於真則宛

轉成妄故曰宛成非相遂使生住心法百非競發
展轉熏感故衆相競生焉無而忽有曰生生而暫
停曰住緣慮相續曰心染淨差別曰法衆生顛倒
由是發生也

△二世界顛倒

阿難云何名爲世界顛倒是有所有分段妄生因此
界立非因所因無住所住遷流不住因此世成三世
四方和合相涉變化衆生成十二類

躒前此有所有非因所因等義以明也有所有故
有分段有分段故有方位界爲方位故因此界立

撰述
也無所因則無所住無所住則常遷流世爲遷流
故因此世成也三世四方宛轉十二故涉乎其間
者悉從其變此世界顛倒之由也

△三廣明化理二 一原十二變

是故世界因動有聲因聲有色因色有香因香有觸
因觸有味因味知法六亂妄想成業性故十二區分
由此輪轉是故世間聲香味觸窮十二變爲一旋復
萬物皆從流動生形動則有聲形卽色也故曰因
動有聲因聲有色香味觸法皆相因而具焉由此
六境發起六情名六亂妄想正爲惑業之本故名

業性十二類生因此輪轉也世間聲香味觸牒上
六亂妄想之類也謂其區分旣各十二窮變亦各
十二故六亂妄形自無明緣行而變以至老死終
而復始故曰窮十二變爲一旋復

△二辯十二類三 一總標

乘此輪轉顛倒相故是有世界卵生胎生濕生化生
有色無色有想無想若非有色若非無色若非有想
若非無想

輪轉顛倒相卽六亂妄想等也

△二別明十二 一卵生

阿難由因世界虛妄輪迴動顛倒故和合氣成八萬四千飛沉亂想如是故有卵羯邏藍流轉國土魚鳥龜蛇其類充塞

卵惟想生虛妄即想也想體輕舉名動顛倒卵以氣交名和合氣成想多升沉名飛沉亂想故感魚鳥飛沉之類也十二類各八萬四千者各由八萬煩惱感變也羯邏藍云凝滑入胎初位胎卵未分之相也

△二胎生

由因世界雜染輪迴欲顛倒故和合滋成八萬四千

橫豎亂想如是故有胎遏菡曇流轉國土人畜龍仙其類充塞

胎因情有雜染即情也情生於愛名欲顛倒胎以精交名合和滋成情有偏正名橫豎亂想故感人畜橫豎之類遏菡曇云泡即胎卵漸分之相也虛妄雜染執着留礙等有情皆具但隨偏重者感類耳羯南等胎卵皆具而次第言者前能具後後不具前

△三濕生

由因世界執着輪迴趣顛倒故和合煖成八萬四千

翻覆亂想如是故有濕相蔽尸流轉國土含蠢蠕動
其類充塞

濕以合感執着卽合也合由愛滯觸境趨附名趣
顛倒濕以陽生名和合煖成所趣無定名翻覆亂
想故感蠢蠕翻覆之類也蔽尸云軟肉濕生初相
也十生皆本於婬欲起於情想以迷情愈妄故化
理愈乖以至蕩爲空散頑爲木石妄末雖殊妄本
一也

△四化生

由因世界變易輪迴假顛倒故和合觸成八萬四千

新故亂想如是故有化相羯南流轉國土轉蛻飛行
其類充塞

化以離應變易卽離也離此托彼名假顛倒觸類
而變名和合觸成轉故趣新名新故亂想故感報
亦爾蛻脫故趣新也如虫爲蝶則轉行爲飛如雀
爲蛤則蛻飛爲潛凡以不同形而相禪皆轉蛻也羯
南云硬肉蛻卽成體無軟相也自下皆稱羯南者
諸類通稱止此若第五鉢羅奢佉曰成形則各隨
貌狀非通稱也

△五有色

由因世界留礙輪廻障顛倒故和合着成八萬四千
精耀亂想如是故有色相羯南流轉國土休咎精明
其類充塞

真性融湛本非留礙亦非光耀由迷滯故成留礙
輪廻障失融湛妄合明著粘湛發光以成精耀休
爲三光咎爲孛彗一切精明神物皆精耀也其想
已結成精耀故但有色而已涅槃云八十神皆因
留礙想元成其精耀此雖至精至神亦未離乎乘
彼輪轉顛倒想也

△六無色

由因世界消散輪廻惑顛倒故和合暗成八萬四千
陰隱亂想如是故有無色羯南流轉國土空散消沉
其類充塞

厭有着空滅身歸無名銷散輪廻迷漏無聞名惑
顛倒厭有歸無則依晦昧空故和合暗成而名陰
隱亂想卽無色界外道類也此有想無色而不無
業體故亦稱羯南又有惑業昏重形色消磨體合
空昧識附陰隱亦空散消沉類也

△七有想

由因世界罔象輪廻影顛倒故和合憶成八萬四千

撰述
三才圖會卷十四
潛結亂想如是故有 想相羯南流轉國土神鬼精
靈其類充塞

虛妄失真邪着影像無所托陰從憶想生於罔象
中潛結貌狀其神不明而幽爲鬼精不全而散爲
靈無有實色但有想相

△八無想

由因世界愚鈍輪迴癡顛倒故和合頑成八萬四千
枯槁亂想如是故有無想羯南流轉國土精神化爲
土木金石其類充塞

不了諦理固守愚惑愚鈍之極則癡頑無知精神

化爲土木金石無復情想卽枯槁也如劫毗羅之
石燕昭墓之木鄭人緩之壁皆精神之化也

△九非有色

由因世界相待輪迴僞顛倒故和合染成八萬四千
因依亂想如是故有非有色相成色羯南流轉國土
諸水母等以蝦爲目其類充塞

水母之類以水沫爲體以蝦爲目本非有色待物
成色不能自用待物有用迷失天真懸着浮僞彼
此異質染緣相合故曰因依

△十非無色

由因世界相引輪迴性顛倒故和合呪成八萬四千
呼召亂想由是故有非無色相無色羯南流轉國土
呪詛厭生其類充塞

邪業相引使性情顛倒而乘呪托識不由生理妄
隨呼召卽世間邪術呪詛精魅厭物因而有生者
不由生理則本自無色旣感成質非無色也

△十一非有想

由因世界合妄輪迴罔顛倒故和合異成八萬四千
迴互亂想如是故有非有想相成想羯南流轉國土
彼蒲盧等異質相成其類充塞

二妄相合性情罔昧異質相成生理回互如彼蒲
盧本爲桑虫非有蜂想而成蜂想

△十二非無想

由因世界怨害輪迴殺顛倒故和合怪成八萬四千
食父母想如是故有非無想相無想羯南流轉國土
如土梟等附塊爲兒及破鏡鳥以毒樹果抱爲其子
子成父母皆遭其食其類充塞

怨害相酬傷殺相反生理怪誕棄絕倫義故感土
梟之類因土塊毒果成形非無鳥想而本無想

△三結

是名衆生十二種類

此皆不了妙覺明心迷陷情欲積妄發生隨妄輪轉非正修行莫能免脫故次示除妄修證之法

大佛頂如來密因修證了義諸菩薩萬行首楞嚴經

要解卷第十四

音切

樺胡化切 詛莊助切 礮初錦切 天於兆切 剗音枯切 區豈俱切 邏音節切

蝨尺尹切 蝻而尹切 蛻音脫切 蝦呼牙切 梟音堯切 塊苦對切

金壇居士王干城 王壘 孫雲翼共施刻
首楞嚴經要解第十四卷 嘉禾沙彌道梅對
甌寧唐士登書 上元許一科刻
萬曆甲午仲春徑山興聖萬壽禪寺識

大佛頂如來密因修證了義諸菩薩萬行首楞嚴經

要解卷第十五

唐天竺沙門般刺蜜諦譯

烏菟國沙門彌伽釋迦譯語

菩薩戒弟子前正議大夫同中書門下平

章事清河房融筆受

溫陵開元蓮寺比丘戒環解

△四令除妄本此證果漸次也前既令識妄因此復令除妄本者知賊所在即須討除使陰仇殄蕩

性宇晏清然後優遊趣證得無艱險文二

初牒舉本因

阿難如是衆生一一類中亦各各具十二顛倒猶如捏目亂華發生顛倒妙圓真淨明心具足如斯虛妄亂想

十二顛倒卽動顛倒欲顛倒至殺顛倒也以是妄擾真心而成八萬四千亂想

△二正令除妄二 初總告二法

汝今修證佛三摩地於是本因元所亂想立三漸次方得除滅如淨器中除去毒蜜以諸湯水并雜灰香洗滌其器後貯甘露云何名爲三種漸次一者修習

除其助因二者真修剝其正性三者增進違其現業五辛爲助姪殺爲正緣斷則違

△二詳明三法三 一除助因

云何助因阿難如是世界十二類生不能自全依四食住所謂段食觸食思食識食是故佛說一切衆生皆依食住阿難一切衆生食甘故生食毒故死是諸衆生求三摩地當斷世間五種辛菜

四食者人間段食謂所食必有分段鬼神觸食但歆觸而飽禪天則思食食至或但思之則飽識天識食旣無形色但以識想此直明衆生皆依食住

而因食誠斷五辛不必他引也五辛一大蒜二荖
葱三慈蔥四蘭葱五興藻五者葷穢內發婬恚外
引邪魅故名助因俗齋不茹況真修者

是五種辛熟食發婬生噉增恚如是世界食辛之人
縱能宣說十二部經十方天仙嫌其臭穢咸皆遠離
諸餓鬼等因彼食次舐其脣吻常與鬼住福德日消
長無利益是食辛人修三摩地菩薩天仙十方善神
不來守護大力魔王得其方便現作佛身來爲說法
非毀禁戒讚婬怒癡命終自爲魔王眷屬受魔福盡
墮無間獄阿難修菩提者求斷五辛是則名爲第一

增進修行漸次

△二剗正性

云何正性阿難如是衆生入三摩地要先嚴持清淨
戒律未斷婬心不餐酒肉以火淨食無噉生氣阿難
是修行人若不斷婬及與殺生出三界者無有是處
當觀婬欲猶如毒蛇如見怨賊

欲剗婬殺正性必持戒律不飲酒防亂之至也不
啖生防殺之至也律中五果皆須火淨示不噉生
氣也婬如毒蛇怨賊者能害法身殺慧命故

先持聲聞四棄八棄執身不動後行菩薩清淨律儀

執心不起

執身使無犯也執心使無思犯也

禁戒成就則於世間永無相生相殺之業偷劫不行無相負累亦於世間不還宿債

姪殺相襲偷劫相負由無禁遏故禁戒成就二業永無

是清淨人修三摩地父母肉身不須天眼自然觀見十方世界觀佛聞法親奉聖旨得大神通遊十方界宿命清淨得無艱險

業性剝盡則妙性圓明

是則名爲第二增進修行漸次

△三違現業

云何現業阿難如是清淨持禁戒人心無貪姪於外六塵不多流逸

流逸奔塵起現前業由戒禁制得不流逸斯能違遠

因不流逸旋元自歸塵既不緣根無所偶返流全一六用不行十方國土皎然清淨譬如琉璃內懸明月身心快然妙圓平等獲大安隱一切如來密圓淨妙皆現其中是人卽獲無生法忍

撰述
正才居和身解卷一五
四
五
流則分湛合塵故不流則旋元無偶遂能反六用之擾全一真之湛譬之川水反流全一斯自淵澄湛性淵澄故國土身心妙圓清淨與如來合故一切如來密圓之心淨妙之性皆現其中也華嚴十忍第三曰無生法忍謂不見有少法生不見有少法滅離諸情垢無作無願安住是道名之曰忍言法忍者揀異二乘伏忍也

從是漸修隨所發行安立聖位是則名爲第三增進修行漸次

業淨性明乃可發行升進聖位五十七位各隨行

相立名使觀其名義知所修進也

△五歷示聖位十一 一乾慧地

阿難是善男子欲愛乾枯根境不偶現前殘質不復續生執心虛明純是智慧慧性明圓瑩十方界乾有其慧名乾慧地

欲愛潤惑根境造業生死相續唯此而已故欲枯境謝則殘質不續無所汨雜故執心虛明純是智慧然初入位未與如來法流水接則乾有其慧而已聖位始於十住而以信爲初因又於信前立乾慧地前立四加妙前立金剛乾慧者此三爲轉位

關要昇進方便初從凡發迹慧性不圓不能入信
成賢賢行既成不加功用不能登地成聖聖位既
終非金剛慧斷最後細惑蕩前位緣影不能造妙
成佛故也

△二十信聖位以信爲初因者純真無妄之謂信
又相應之謂信必先審中中圓妙之道令純真無
妄然後發行使心法相應則等妙雖懸可以徑造
也文十 一信心

欲習初乾未與如來法流水接卽以此心中中流入
圓妙開敷從真妙圓重發真妙妙信常住一切妄想

滅盡無餘中道純真名信心住

捨欲愛超乾慧猶在凡地未入法流故須於如來
薩婆若海中中流入無所偏滯則圓妙之性於是
開敷然猶餘妄習非真妙圓又須從真妙圓重發
真妙而常住妙信使一切妄想滅盡無餘中中之
道純真無妄故名信心住餘皆由此增進更無別
法但隨位依真妙性淨治惑習單複練磨使纖塵
不立卽登妙覺也

△二念心

真信明了一切圓通陰處界三不能爲礙如是乃至

過去未來無數劫中捨身受身一切習氣皆現在前
是善男子皆能憶念得無遺忘名念心住

心真而明則一切圓通而陰等不礙故能洞照宿
習憶治無遺

△三精進心

妙圓純真真精發化無始習氣通一精明唯以精明
進趣真淨名精進心

妙圓通性既純既真則妄習皆化唯一精明而進
乎真淨行無雜糅故名精進

△四慧心

心精現前純以智慧名慧心住

妄習既盡故心精現前而進趣云爲純智無習矣

△五定心

執持智明周徧寂湛寂妙常疑名定心住

慧既純明須定以持之使周徧寂湛寂妙之體常
疑不變乃名定心

△六不退心

定光發明明性深入唯進無退名不退心

以定持慧至於寂湛故性光發明而深入於道

△七護法心

楞嚴經卷之三
一
二
三
四
五
六
七
八
九
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50

心進安然保持不失十方如來氣分交接名護法心
既能深入又能保持使道同十方氣合如來是謂
護法

△八回向心

覺明保持能以妙力迴佛慈光向佛安住猶如雙鏡
光明相對其中妙影重重相入名迴向心

由護法心進合如來得妙覺明護持不失故能妙
回向回佛慈光則回果向因也向佛安住則回因
向果也因果交叅體用互攝故譬雙鏡云云

△九戒心

心光密迴獲佛常疑無上妙淨安住無爲得無遺失
名戒心住

由回佛心光而得之於我故曰獲佛常疑無上妙
淨常疑則對境無動妙淨則涉塵不染而戒心成
矣

△十願心

住戒自在能遊十方所去隨願名願心住

對境無動涉塵不染是謂住戒自在無動無染則
無適不可故能遊十方所去隨願也修行之初必
枯絕欲愛使心性虛明然後能入法流開妙圓性

真性明圓細習乃現遂發行治之使純智無習又持之以定使寂湛發光深入於道護持不失斯能迴佛慈光獲佛淨戒而涉塵不染所去隨願此十信之序也

△三十住從信趨入生如來家依無住智未不退還名住文十 一發心住

阿難是善男子以真方便發此十心心精發輝十用涉入圓成一心名發心住

真方便妙慧也此十心十信也十心頓發圓成一心住佛智地名發心住聖位以十信爲初因以十

住十行十願十地爲漸次而終於等妙皆相躡而設欲令行人從信趨入住佛智地而依智起行濟行以願由是超三賢入十聖登等妙此修證之序也

△二治地住

心中發明如淨琉璃內現精金以前妙心履以成地名治地住

心中發明內外精瑩牒心精發暉義也履是妙心以爲真基名曰治地如將築室必先治地乃可興作也

△三修行住

心地涉知俱得明了遊履十方得無留礙名修行住
由內外精瑩治成心地故所涉所知俱得明了則
任運修進得無留礙

△四生貴住

行與佛同受佛氣分如中陰身自求父母陰信冥通
入如來種名生貴住

妙行密契則妙理冥感將生佛家爲法王族故名
生貴中陰論冥感之理也現陰已謝後陰未生之
中名曰中陰

△五方便具足住

既遊道胎親奉覺胤如胎已成人相不缺名方便具
足住

同妙行之氣分冥妙理之中陰是遊道胎奉覺胤
也道胎既成故妙相不缺而修行方便具矣

△六正心住

容貌如佛心相亦同名正心住

容止外同心相內異非正心也

△七不退住

身心合成日益增長名不退住

同佛之德有進無退

△八童真住

十身靈相一時具足名童真住

具體而微故以童稱十身者菩提身願身化身力身莊嚴身威勢身意生身福身法身智身也

△九法王子住

形成出胎親爲佛子名法王子住

自發心至生貴名入聖胎自方便具足至童真名長養聖胎至此長養功終故喻出胎王子

△十灌頂住

表以成人如國大王以諸國事分委太子彼刹利王世子長成陳列灌頂名灌頂住

國大王天子也嫡嗣曰太子刹利王諸王也嫡嗣

曰世子將付國位取大海水灌頂表爲王當承用

衆智今此位衆德潛備堪任佛事故表以成人陳

列灌頂也言以國事分委則非正付國位特表成

人而已蓋此方極十住若十地行滿乃堪正付故

華嚴十地菩薩受佛職位比輪王太子受職夫發

心必治地治地乃修行修行然後生如來家而具

覺相同佛心長道體圓十身爲佛子任佛事此十

住始終之序也

△四十行既依普智住佛所住遂能繁興妙行自利利人文十一歡喜行

阿難是善男子成佛子已具足無量如來妙德十方隨順名歡喜行

具佛妙德故能十方隨順無適不可自他利備機應俱喜名歡喜行

△二饒益行
善能利益一切衆生名饒益行

善推妙德益以利人

△三無嗔行

自覺覺他得無違拒名無嗔恨行

嗔恨生於違拒

△四無盡行

種類出生窮未來際三世平等十方通達名無盡行
觸類而長隨機而應利行無盡

△五離癡亂行

一切合同種種法門得無差誤名離癡亂行
於法不了曰癡於行紛錯曰亂今能一合於法得無差誤故離癡亂

△六善現行

則於同中顯現群異一一異相各各見同名善現行
由無癡亂故能於種種法門互現隨應圓融自在
所謂善現

△七無着行

如是乃至十方虛空滿足微塵一一塵中現十方界
現塵現界不留礙名無着行

此由善現行充擴圓融也塵中現刹名現界不壞
塵相名現塵

△八尊重行

種種現前成是第一波羅蜜多名尊重行

種種所現皆是般若性德無作妙力自在成就故
名尊重金剛稱第一波羅蜜卽般若也

△九善法行

如是圓融能成十方諸佛軌則名善法行

十方諸佛以是成道以是利生

△十眞實行

一一皆是清淨無漏一眞無爲性本然故名眞實行
總括前行無非眞性本然妙用相雖萬殊體唯一
眞故名眞實如是十行乃至後位不離前法而皆

相躡別設者一使行人隨位增進開擴性覺淨治
惑障而成熟佛果也

△五十回向亦名十願前十住十行出俗心多大
悲行劣此須濟以悲願處俗利生回真向俗回智
向悲使真俗圓融智慧不二名各回向修進妙行
至此備矣文十一救護衆生離衆生相回向

阿難是善男子滿足神通成佛事已純潔精真遠諸
留患當度衆生滅諸度相回無爲心向涅槃路各救
護一切衆生離衆生相回向

滿足神通至遠諸留患牒前現塵現界不相留礙

等事謂此行滿足當修回向行也回向之行悲願
最深故職在度生然見有可度卽涉有爲背涅槃
路故須滅除度相回無爲心向涅槃路也

△二不壞回向

壞其可壞遠離諸離名不壞回向

壞其可壞謂遠離一切虛妄境界也遠離諸離謂
離遠離幻亦復遠離也得無所離卽除諸幻而證
不壞矣

△三等一切佛回向

本覺湛然覺齊佛覺名等一切佛回向

無壞不壞無離不離乃湛然齊佛

△四至一切處回向

精真發明地如佛地各至一切處回向

覺湛故精真發明地如佛地前覺等一切則真如體徧也此地至一切則真如界徧也

△五無盡功德藏回向

世界如來互相涉入得無罣礙名無盡功德藏回向
真界真體二俱圓遍故涉入無礙任運發輝德用
無盡

△六隨順平等善根回向

於同佛地地中各各生清淨因因發揮取涅槃道
名隨順平等善根回向

同佛地卽前地如佛地也於一切處各起淨因取
涅槃道是謂平等善根

△七隨順等觀衆生回向

真根既成十方衆生皆我本性性圓成就不失衆生
名隨順等觀一切衆生回向
平等善根性真圓融周遍法界故十方衆生皆我
本性我善既成故能成就一切衆生善根無有遺
失無有高下名隨順等觀

△八真如相回向

即一切法離一切相唯即與離二無所着名真如相回向

如故即真故離有即有離是假真如二無所着乃真真如也

△九無縛解脫回向

真得所如十方無礙名無縛解脫回向

依假真如則不無滯礙是有縛解脫唯真得所如故一切無礙乃名無縛解脫

△十法界無量回向

性德圓成法界量減名法界無量回向

初證性德以為齊佛以為如佛以為至一切處等皆存量見則法界性未離有量及乎性德圓成乃減量見乃得無量此總治前位限量情見也此性圓成可超三賢入十聖矣

△六四加行三賢位極當於此際復加功行即入

聖位文二 一牒前總標

阿難是善男子盡是清淨四十一心次成四種妙圓加行

四十一心者乾慧一信住行向各十小乘通教皆

有四加而非妙非圓故此特稱妙圓加行

△二詳開行位四 一煖位

即以佛覺用為己心若出未出猶如鑽火欲焚其木
名為煖地

佛覺果覺也前雖能齊未能正證今極賢位將趨
聖果即須用佛果覺為己因心復加功行以求正
證火喻果覺木喻因心鑽喻加行初入因位未即
得果故譬鑽火方得煖相

△二頂位

又以己心成佛所履若依非依如登高山身入虛空

下有微礙名為頂地

前以佛覺為己心此以己心成佛行則因心果覺
已鄰極矣故譬如登高高山身入虛空但因果未融
心迹尚滯故云下有微礙然已到頂地少需攬進
則微礙除矣

△三忍地

心佛二同善得中道如忍事人非懷非出名為忍地
己心佛覺融為一體曰二同因果兩忘二邊不立
曰中道此中道果覺將證未證故如忍事人非懷
非出

△四世第一地

數量消滅迷覺中道二無所目名世第一地
前位謂之二同則已墮數量見有中邊則強分迷
覺此俱泯滅而名亦不立脫世情量超於三賢故
名世第一若進十聖極乎妙覺乃出世第一也
△七十地蘊積前法至於成實一切佛法依此發
生故謂之地也自十信已還位皆躡跡相資直趨
妙覺於中不無斷證是皆不斷而斷不證而證或
說每地斷一障二愚修一波羅蜜名相煩紊辭義
迂闊故今略之直取躡跡相資之義而釋庶修進

者煥然易悟耳文十 一歡喜地

阿難是善男子於大菩提善得通達覺通如來盡佛
境界名歡喜地

向雖覺齊佛覺未能盡佛菩提境界今由加行妙
圓故善能通達而盡之矣由是法喜復增故復名
歡喜

△二離垢地

異性入同同性亦滅名離垢地

通大菩提盡佛境界則一切障礙卽究竟覺衆生
國土同一法性是異性入同也然見異見同還是

情垢至於同性亦滅乃名離垢

△三發光地

淨極明生名發光地

情見之垢淨則妙覺之明生

△四焰慧地

明極覺滿名焰慧地

明極覺滿如大火聚一切緣影悉皆燦絕故名焰

慧

△五難勝地

一切同異所不能至名難勝地

前雖異性入同同性亦滅猶有能至之境此以焰
慧燦絕故一切同異所不能至至尚不能孰能勝
哉

△六現前地

無爲真如性淨明露名現前地

人莫不有真如淨性蓋常爲一切同異之所揜蔽
故同異不至則明露現前

△七遠行地

盡真如際名遠行地

真如現前分證則局盡際乃遠迥超極造故名遠

9170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

撰述

楞嚴經疏卷第五

五

題五

行

△八不動地

一真如心名不動地

既盡其際乃全得其體一真凝常故名不動

△九善慧地

發真如用名善慧地

既得真體斯發真用凡所照應無所不真無所不

如故名善慧

阿難是諸菩薩從此已往修習畢功功德圓滿亦曰

此地名修習位

此結前顯後也聖位總束有五一資糧二賢也二加行四加也三通達初地也四修習即此也五無學妙覺也自初發信至超賢入聖皆修習之事而此位已超八地無功用道智慧並圓則修習之功終畢於此故名修習以結十地之因也次後乃十地之果無復修習矣華嚴十地以金剛藏表因解脫月表果亦以因地有修果地無修也問後位既無修習復有斷障之事何耶曰此明智悲功終得十地果而已若論斷障則等覺之位猶是修習故至妙覺乃名無學

支那

楞嚴經疏卷第五

五

題五

△十法雲地

慈陰妙雲覆涅槃海名法雲地

慈陰妙雲十地果德也涅槃海妙覺果海也十地果滿智悲功圓無復自利純是利他故大悲之陰充徧法界無心無緣而應彼心緣施作利潤而本寂無作稱合如來大寂滅海故云覆也

△八等覺位

如來逆流如是菩薩順行而至覺際入交名爲等覺十地菩薩混俗利生與如來同但所趨逆順與如來異蓋如來逆生死流出同萬物菩薩順涅槃流

入趨妙覺已至覺際故名入交與佛無間故名等覺卽解脫道前無間道也此雖齊等未極於妙蓋能順能入而已須於大寂滅海逆流而出妙同萬物乃名妙覺也

△九金剛慧

阿難從乾慧心至等覺已是覺始獲金剛心中初乾慧地

此名等覺後心妙覺伏道妙覺之道無別行相但從初乾慧至等覺已復起金剛心從初重歷諸位破斷微細緣影最後無明使纖塵不立乃可入妙

爲其復從初位以始故名金剛心中初乾慧地識陰盡者能入菩薩金剛乾慧卽此也前名乾慧以未與如來法流水接此名乾慧以未與如來妙莊嚴海接名雖乍同義乃迥別

△十妙覺

如是重重單復十二方盡妙覺成無上道

圓覺有單復圓修之義今此獨由信心以歷諸位曰單兼金剛心重歷諸位曰復十二者乾信住行向煖頂忍世地金等是也十二爲因妙覺爲果故單復十二方盡妙覺成無上道

是種種地皆以金剛觀察如幻十種深喻奢摩他中用諸如來毗婆舍那清淨修證漸次深入

此教其用金剛心成就妙覺之方也種種地十二位也十喻者幻人陽燄水月空花谷響乾城夢影像化也了法如此則頓忘情解纖塵不立故曰清淨修證奢摩他毗婆舍那云止觀言如來者揀異小乘

△十一總結功用

阿難如是皆以三增進故善能成就五十五位真菩提路作是觀者名爲正觀若他觀者名爲邪觀

三增進三漸次也聖位皆資之以成就也信住行
向地爲五十并乾慧四加等妙有五十七位獨指
五十五爲菩提路者等妙乃菩提之果由是路以
趣證也或指金剛觀察及止觀爲三增進

△四結經分正宗未終而遽結經者自初示密因
次開修證而卒乎極果則經之正範圍矣故於此
結也後之二科戒備失錯深防邪誤特助道而已
故於後別列乃正助之辯也文二 一請問經名
爾時文殊師利法王子在大衆中卽從座起頂禮佛
足而白佛言當何名是經我及衆生云何奉持

△二如來標示五 一標藏心法眼

佛告文殊師利是經名大佛頂悉怛多般怛囉無上
寶印十方如來清淨海眼

大佛頂白傘蓋無上寶印者體極含覆超情離見
卽如來藏之心印也證佛心要必契於此十方如
來清淨海眼者照窮刹海淨絕纖塵卽爍迦羅之
法眼也開佛知見必資於此實大事因緣非小智
之法故以文殊請問

△二明濟度妙力

亦名救護親因度脫阿難及此會中性比丘尼得菩

提心入徧知海

阿難爲親摩登爲因舉斯二者明有緣皆度也無上正覺由此經得一切智海由此經入

△三明果人同修

亦名如來密因修證了義

如來正果藉此爲因權乘修證皆不了義

△四明衆德大備

亦名大方廣妙蓮華王十方佛母陀羅尼呪

體極無外方正平等周徧含容名大方廣因果同彰染淨不滯於法自在名妙蓮華王出生十方一

切諸佛總一切法持無量義名十方佛母陀羅尼呪

△五明因人同證

亦名灌頂章句諸菩薩萬行首楞嚴汝當奉持

菩薩由此受佛職位故名灌頂章句

△五助道分二 一別明諸趣戒備失錯文云令

持戒者謹潔無犯不入邪見卽戒備意也文二

初阿難繼請二 初結前讚謝

說是語已卽時阿難及諸大衆得蒙如來開示密印般怛羅義兼聞此經了義名目頓悟禪那修進聖位

增上妙理心慮虛凝斷除二界修心六品微細煩惱
此結敘時衆獲益下乃讚謝也開示密印至增上
妙理通指前經奧義也印證藏心清淨含覆一切
決了是謂密印般怛羅了義也以明心見性爲因
以等妙極證爲果纖塵不立情解兩忘心慮灰凝
細惑頓斷是謂禪那修進增上妙理也修道所斷
俱生細惑大乘入地未伏至佛地方斷小乘於三
界分九地地各九品初果斷欲界前六品而證二
果斷後三品而證三果斷上二界各九品而證無
學今此增上頓斷故言三界六品其餘三品必須

佛地方斷雖三果能斷九品特分斷漸伏而已

卽從座起頂禮佛足合掌恭敬而白佛言大威德世
尊慈音無遮善開衆生微細沉惑令我今日身心快
然得大饒益

正讚謝也俱生幽隱故曰沉惑

△二正請後法三一正問

世尊若此妙明真淨妙心本來徧圓如是乃至大地
草木頓動含靈本元真如卽是如來成佛真體佛體
真實云何復有地獄餓鬼畜生修羅人天等道
前說真淨妙心本來圓徧則法界一真萬動一體

宜無諸趣之異其如方今現有乃常情所疑故或執諸趣而迷妙圓之體或執妙圓而撥諸趣之業以致失錯墮落故特請問冀行人詳明而知所戒備也

世尊此道爲復本來自有爲是衆生妄習生起

自妄發生非本來有

△二引事

世尊如寶蓮香比丘尼持菩薩戒私行婬欲妄言行婬非殺非偷無有業報發是語已先於女根生大猛火後於節節猛火燒然墮無間獄琉璃大王善星比

丘琉璃爲誅瞿曇族姓善星妄說一切法空生身墮入阿鼻地獄此諸地獄爲有定處爲復自然彼彼發業各各私受

不斷三業各各有私衆同分中非無定處也琉璃王太子廢父自立挾宿嫌誅釋種佛記其七日當入地獄王泛海以避水中自然燒滅善星比丘能說十二部經獲四禪果因狎邪友妄言無佛無法無有涅槃故生陷無間此皆謬執妙圓撥無業趣者也

△三結請

惟垂大慈發開童蒙令諸一切持戒衆生聞決定義
歡喜頂戴謹潔無犯

大佛頂如來密因修證了義諸菩薩萬行首楞嚴經
要解卷第十五

音切

亂

羊晉切

鑽

祖官切

複

福音

金壇居士王堅男秉鉞共施貲刻此
首楞嚴經要解第十五卷 嘉禾沙彌道梅對
甌寧唐士登書 龍游徐文忠刻
萬曆甲午仲春徑山興聖萬壽禪寺識



廿一

廿

